

卷六七竅病

脊病

目病

齒病

鼻病

喉病

口病

耳病

千金要方

附衍義

翁鷗署



孫真人備急千金要方衍義卷六上

長

七竅病方上凡五類

目病第一

論一首 證三首

方六十九首 灸法二十八首

論曰凡人年四十五已後漸覺眼暗至六十已後遲漸目明治之法五十已前可服瀉肝湯五十已後不可瀉肝目中有疾可傳石膽散藥等無病不可輒傳散但補肝而已自來肝中有風熱令人眼昏暗者當灸肝膈及服除風湯圓散數十劑當愈

生食五辛

接熱飲食

熱餐麪食

飲酒不已

房室無節

極目遠視

數看日月

夜視星火

夜讀細書

月下看書

抄寫多年

雕鏤細作

博奕不休

久處烟火

泣淚過多

刺頭出血過多

右十六件並是喪明之本養性之士宜慎護焉又有馳騁田獵冒涉風霜迎風追獸日夜不息者亦是傷目之媒也恣一時之浮意為百年之痼疾可不慎歟凡人少時不自將慎年至四十卽漸眼昏若能依此慎護

可得白首無他所以人年四十已後常須瞑目勿顧他視非有要事不宜輒開此一術護慎之極也其讀書博奕等過度患者名曰肝勞若欲治之非二年閉目不視不可得瘥徒自瀉肝及作諸治終是無效人有

風疹必多眼昏先攻其風其暗自瘥

足太陽陽明手少陽脈動發目病

黃帝問曰余嘗上清冷之臺中陞而顧削匳而前余私異之竊內怪之或獨冥視安心定氣久而不解被髮長跪俛而視復久之又不已卒然自止何氣使然岐伯對曰五臟六腑之精氣皆上注於目而爲之睛睛之果者爲眼骨之精爲瞳子筋之精爲黑眼血之精爲其絡果氣之精爲白眼肌肉之精爲約束窠契筋骨氣血之精而與脈并爲系系上屬於腦後出於項中故邪中於項因逢身之虛其入深則隨眼系以入於腦入於腦則轉轉則引目系急急則目眩以轉矣邪中其睛則其睛所中者不相比則睛散睛散則歧故見兩物目者五臟六腑之精也榮衛魂魄之所榮也神氣之所生也故神勞則魂魄散志意亂是故瞳子黑眼法於陰白眼赤脉法於陽故陰陽合揣而精明矣目者心之使也心者神之舍也故神分精亂而不轉卒然見非常之處精神魂魄散不相得故曰惑帝曰余疑何其然也余每之東苑未嘗不惑去之則復余惟獨爲東苑勞神乎其異也岐伯曰不然夫心有所喜神有所惡卒然相感則精亂視誤故神惑神移乃復是故問者爲迷甚者爲惑目皆外決於面者爲兌皆在內近鼻者上爲外眥下爲內眥目赤色者病在心白色者病在肺青色者病在肝黃色者病在脾黑色者病在腎黃色不可名者病在胸中 診目痛赤脈從上下者太陽病從下上者陽明病從外走內者少陽病 夫鼻洞鼻洞者濁下不止傳爲勲管瞑目故得之氣厥足陽明有俠鼻入於面者名曰懸顛

屬口對入係目本視有過者取之損有餘益不足反者益甚足太陽有通頂入於腦者正屬目本名曰眼系頭目固痛取之在項中兩筋間入腦乃別陰躄陰陽相交陽入陰出陽交於兌皆陽氣盛則為之瞽目矣陰氣絕則為之眠矣

神麴圓 主明目百歲可讀註書方 神麴四兩 磁石二兩 光明砂一兩 右三味為末煉蜜為丸如梧子大

飲服三丸日三不常服益眼力眾方不及學者當知此方神驗不可言當秘之一名磁殊丸

〔衍義〕磁稟北方坎水之精殊稟南方離火之氣以二味質重故藉神麴發越其沉著之性以鎮神水之不清千金原用蜜丸日服梧子大丸丸近世即於本方中分出神麴一兩調糊代蜜為丸空心米湯下三十丸因病緊一時急療之法非常服保光之謂其蜜丸麴丸多服少服之義隨時酌量可也

瓜子散 治眼漠漠不明補肝方亦名十子散 冬瓜子 青葙子 芫蔚子 枸杞子 牡荊子 蒺藜子 兔絲

子 蕪菁子 決明子 地膚子 柏子仁各二合 牡桂 蓼蓂根各二兩 麩仁一合 車前子一兩 細辛半兩

右十六味治下篩食後以酒服方寸匕日二神驗

〔衍義〕前方煥發靈臺此方隨性類聚方下所云治眼漠漠不明雖言補肝而益腎之味亦復不少方中冬瓜子益氣令人悅澤好顏色青葙子入肝明目芫蔚子益精明目枸杞子治腎虛目暗牡荊子除風熱開經絡導痰涎行血氣蒺藜子治惡血破積聚明目輕身兔絲子去風明目入肝腎氣分蕪菁治熱毒風腫子專

明目決明子治青盲目淫膚赤白膜眼赤淚出地膚子久服耳目聰明柏子仁除風濕安五臟令人耳目聰明牡桂利關節迎神明夔夔根卽木通去熱翳赤白障麩仁治心腹邪熱結氣目赤腫痛皆爛淚出車前專治水輪不清細辛明目利九竅總取補肝明目之用肝血清而腎水受陰矣

補肝圓 治眼暗方 青葙子 桂心 葶藶 杏仁 細辛 芫蔚子 枸杞子 五味子各一兩 茯苓 黃

芩 防風 地膚子 澤瀉 決明子 麥冬 麩仁各一兩 車前子 兔絲子各二兩 乾地黃三兩 兔肝一具

右二十味爲末蜜丸飲下二十丸如梧子日再加至三十丸

〔衍義〕卽於瓜子散中除去瓜子牡荊蒺藜蕪菁柏仁夔夔根六味參入防風黃芩散風熱茯苓澤瀉滲濕熱地黃冬味滋燥熱葶藶杏仁開結熱其補肝之力全在兔肝一味

又方 治眼暗眵眵不明寒則淚出肝腎所損方 兔肝二具 柏子仁 乾地黃 茯苓 細辛 麩仁 枸

杞子各一兩 防風 芫蔚 山藥各一兩 車前子一合 五味子十八銖 甘艸半兩 兔絲子一合 右十四味爲末

蜜丸酒服如梧子二十丸日再服加至四十丸

〔衍義〕又於補肝丸中除去菁葙桂心葶藶杏仁芫蔚黃芩地膚澤瀉決明門冬十味參入山藥柏仁芫蔚甘草較前補肝丸用法稍平而補肝之功最穩蓋眵眵不明肝腎精血不充之驗所以首推兔肝同氣相感之力其妙用尤在細辛防風開發經絡之滯則諸藥方得上注於目也

補肝散 治目失明漠漠方 決明子半升 蓼子一合熬 青羊肝一具去上薄膜切之以新瓦瓶子未用者淨拭內肝於中炭火上炙之令極乾汁盡未之

右三味合治下篩以粥飲食後服方寸七日二稍加至三七不過兩劑能一年服之可夜讀細書

〔衍義〕決明久服能益精光蓼子溫中明目青羊即殺羊青盲明目之專藥皆本經主治不特滋陰補肝兼能散血舒筋同氣相感之妙用如此

又方 治三十年失明方 鍾乳粉 雲母粉各煉成者 細辛 茯苓 遠志 五味子等分 右六味治下篩以

酒服五分七日三加至一錢七

〔衍義〕失明而至二三十載陽精耗竭已極方用鍾乳溫經通竅明目益精雲母鎮攝虛陽益精明目細辛遠志開發腎肝茯苓守護真氣五味子交通心腎鼓舞氤氳之氣上行何憚精光之不復耶

補肝蕪菁子散 常服明目方 蕪菁子三升淨淘以清酒三升煮令熟曝乾治下篩以井花水和服方寸七

稍加至三七無所忌可少少作服之令人充肥明目洞視水煮酒服亦可○又方 三月三日採蔓菁花陰

乾治下篩空心井花水服方寸七久服長生明目可夜讀細書○又方 胡麻一斗蒸三十遍治下篩每日

酒服一升○又方 服小黑豆每日空心吞二七粒

補肝散 治男子五勞七傷明目方 地膚子一斗陰乾為末 生地黄十斤搗取汁 右二味以生地汁和散曝乾更為末

以酒服方寸七日二○又方 白瓜子七升絹袋盛攪沸湯中三遍曝乾以酢五升浸一宿曝乾治下篩酒

服方寸七日三服之百日可書細字

〔衍義〕蕪菁治熱風腫子專明目久服令人肥澤 又採花陰乾久服長生明目 胡麻酒服補腎之精血

血充則水輪自明 生黑豆目服明目補腎最捷 地膚子利小便治膀胱之熱生地黃汁滋血潤燥除痰

積和損傷陰血不足不能近視者宜之 白瓜子即冬瓜仁也酢浸以引入肝能去面上黧黑潤澤肌膚以

其能解毒除垢也

梔子仁煎 治肝實熱目皆痛如刺方 梔子仁 決明子 蕤仁各一兩 車前葉 秦皮各一兩 石膏一兩 降如

豆小苦竹葉二合細辛半兩赤蜜三合 右九味咬咀以井花水三升煮取七合去滓下蜜更煎取四合以綿

濾之乾器貯密封勿使艸芥落中以藥汁細細仰臥以傳目中

〔衍義〕肝熱皆痛非寒苦萃聚無以療之蜜隨赤白而分補瀉此用赤蜜專滋火燥也

瀉肝湯 治眼赤漠漠不見物息生肉方 柴胡 芍藥 大黃各四兩 決明子 澤瀉 黃芩 杏仁各三升

麻 枳實 梔子仁 竹葉各一兩 右十一味咬咀以水九升煮取二升七合分三服熱多體壯加大黃一

兩羸老去大黃加梔子仁五兩○又方 治眼風赤暗方 前胡 芍藥各四兩 生地黃十兩 芒硝 黃芩

茯苓 白芷 枳實各三兩 人參 白朮 梔子仁 澤瀉各二兩 甘艸 細辛各一兩 竹葉五升 右十五味咬

咀以水二斗煮減半去滓取七升內芒硝煮取四升分三服

〔衍義〕目赤而生息肉非上下開泄不能瀉其結熱升麻柴胡引之上泄枳實大黃引之下泄瀉瀉梔子竹葉兼清水道黃芩芍藥兼清肝火也○又方 所治赤暗與前方不殊以其正氣日衰病氣日固故加人參白朮甘草於滌熱劑中鼓舞胃氣運行藥力方中前胡細辛白芷即前方柴胡升麻杏仁之變法也

洗肝乾薑煎 治肝熱不止衝眼眼皆赤赤脉息肉痛閉不聞熱勢彭彭不歇及目睛黃方 乾藍 車前

苦竹葉各三升 細辛 秦皮 蕤仁 梔子仁 芍藥各三兩 決明子四兩 升麻二兩 右十味咬咀以水二斗

先煮車前乾藍竹葉取一斗去滓澄清取八升內藥煮取三升分三服須利加芒硝二兩

〔衍義〕目痛熱腫不開而見赤脉色黃肝熱勢甚可知乾藍車前竹葉即前煮三味秦皮梔子芍藥蕤仁從梔子仁煎瀉肝二湯採取不過添水止沸循耳細辛升麻揭開鍋蓋法也方後芒硝則兼鍋底抽薪之用一方而兼上三方之意也

大棗煎 治目熱皆赤生赤脈侵睛息肉急痛閉不開如芥在眼礮痛方 大棗七枚去核 黃連二兩碎 淡竹葉

五合 右三味以水二升煮竹葉取一升澄清取八合內棗肉黃連煎取四合去滓令淨細細以傅目眦中

〔衍義〕方下見證皆屬心脾陽躄之熱非黃連竹葉無以折之用大棗者以和黃連苦燥之性此與梔子仁煎用赤蜜之意不殊

治目中息肉方 驢脂 石鹽末 二味和合令調注目兩皆頭日三夜一瘥○又方 取五茄根皮家一升

和上酒三升浸七日外一日兩時服禁酢二七日徧身生瘡若不出未得藥力以生熟湯浴之取毒瘡出瘰

〔衍義〕驢脂動風用為祛風之使石鹽軟堅兼取降火之功 五茄皮酒浸能搜風散血服後遍身生瘡則

毒熱外泄也

洗眼湯 治熱上出攻目生瘡目熱痛汁出之方 秦皮 黃柏 決明之 黃連 黃芩 麩仁各十粒

子七枚 大棗五枚 右八味咀以水二升浸煮取六合澄清仰臥洗日一

〔衍義〕方用金花湯加秦皮麩仁決明澤是苦寒以洗目痛汁出熱極生醫全賴大棗以和諸藥之性始無

壅遏之虞

治目生醫方 貝子十枚燒灰治下篩取如胡豆著醫上目二正仰臥令人傳之炊久乃拭之息肉者加珍珠

如貝子等分

治目赤及醫方 烏賊骨 鈔丹大小等分 右二味研細和白蜜如餅蒸之半食久冷著眼四眚○又方 白羊

髓傳之良○又方 熟羊眼睛曝乾治下篩傳目兩角○又方 新生孩子胞衣曝乾燒末傳目眚中○又

方古錢一枚鹽方寸匕 右二味合治下篩傳目眚中

〔衍義〕貝子為軟堅磨醫專藥加珍珠則專消息肉以能清手足厥陰濕熱也 烏賊骨味鹽走血為腎肝

與堅專藥鈔丹性沉墜走血為除熱下氣鎮攝要藥和蜜冷著四眚取其潤澤留戀也 羊骨可以消鐵卽

骨體之磨腎可不言而論 羊眼屬金故可治眼中腎膜 胞衣灰散瘀血消目赤腎宜之 古錢薑汁塗

刮青點目去醫消風加鹽奕堅尤捷但作瘡者勿用

治目風淚出浮腎多膿爛皆方 乾薑 決明子 礬石 麩仁 細辛 黃連 戎鹽各六銖 銅青三銖 右

八味咬咀以少許水浸一宿明旦以好白蜜八合和之著銅器中綿蓋器上著甌中以三斗麥屑蒸之飯熟

藥成絞去滓以新死大雄鯉魚膽二枚和內藥中又以大錢七枚常著藥底兼常著銅器中竹簪綿裹頭以

注目眦頭晝夜三四不避寒暑數著藥訖又以魚膽和好覆藥器頭勿令氣歇善

治熱腎漫睛方 以羊筋漱口熟嚼夜臥閉目內之即閉目睡去膜明日即瘥千金翼以治眦目不明

治目熱生膚赤白膜方 取雄雀屎細直者人乳和熟研以傅之當漸消爛

治人馬白膜漠睛方 以雞翎截之近黑睛及當白睛眦之膜自聚鈇鉤挽之割去即見物以綿當眼上著

血斷三百瘥

〔衍義〕淚出浮腎多屬於風膿黏皆爛多屬於濕細辛專泄久伏肝風乾薑專開宿蘊脾濕黃連統理肝脾

濕熱決明麩仁本經雖不言治風而實目科風熱要藥戎鹽礬石銅青皆退熱收濕為爛脾風眼之必須然

非以蜜濡之不能無疼痛之虞 羊筋磨肝雀矢礪腎皆丹方中可取用者 雞翎管眦而鈇割之法頗捷

然非指下精熟難以輕試

蕩風散

治目白膚風淚下方

冊繁方
真珠散

光明硃砂

半兩

貝齒

五枚燒
為末

衣中白魚

七枚乾薑
三銖

右四味於新

磁鉢中研之厚帛三下為散仰臥令人小指爪挑少許傳目中取瘥為度

一方用生薑自然汁澄粉代乾

薑

治目中生肉膚醫稍長欲滿目閉瞳子及生珠管方

貝齒

七枚燒
為末

珍珠等分

右二味合治如粉以注醫

肉止日三度甚良亦治目中眯不出

治目生珠管方

滑石

手爪甲燒龍骨

貝齒

丹砂

各等

右五味治下篩以新筆點取當珠管上日三

度良

〔衍義〕丹砂貝齒衣中白魚皆取磨醫薑粉專於治瘳 貝齒珍珠不特去息肉而眼漏用之亦能消管

滑石爪甲龍骨貝齒丹砂雖主珠管亦能消醫總取貝齒磨堅之力

治毒病後目赤痛有醫方 以青布掩目上以冷水漬青布數易之

治熱病後生醫方 毀二七枚燒為末內管中以吹目中

治熱病後眼暗失明方 以羊膽傅之目暮各一

〔衍義〕專取藍澱之餘漬濕以化餘毒然惟暴赤者宜之 鼓灰除濕疫毒癘亦能治病後餘熱 羊膽專

清肝膽之火病後血虛者尤宜

治風眼爛眇方 竹葉 黃連各一兩 柏白皮一兩 右三味咬咀以水二升煮取五合稍用滴目兩眇日三四

度

治胎赤眼方 取槐木枝如馬鞭大長二尺齊頭麻油一匙置銅鉢中且使童子以木研之至瞑止夜臥時洗

目傳皆日三度

治目爛赤方 取三指撮鹽置古文錢上重重火燒赤投少醋中足淹錢以線沾汁注目眇中

洗眼湯 治目赤痛方 甘竹葉七枚 烏梅 古錢各二枚 右三味以水二升漬藥半日東向竈煮三沸三上

三下得三合臨欲眠注目皆

治目中風腫痛除熱揉眼方 礬石三兩燒令汁盡以棗膏和如彈丸揉眼上下食頃日三止

治目卒腫方 以酢漿水作鹽湯洗之日四五度

〔衍義〕竹葉柏皮黃連并清濕熱 槐枝益腎清火麻油滋血潤燥以初生小兒不勝寒折故以微潤解之

古文錢鹽燒酢收斂肝經濕熱然惟滯癢者爲宜 竹葉烏梅古錢與治目爛赤同類彼同鹽煨以治

宿昔蘊垢此同竹葉以除暴赤風熱彼投少醋引之入肝此取烏梅引之開竅 礬灰專除濕熱 漿水鹽

湯同收火逆

治五臟客熱上衝眼內外受風冷目痛不明方 地膚子 白瓜子 青葙子 蒺藜子 芫薺子 藍子

兔絲子

麩仁

各二合翼
作車前子

柏子仁

合半翼
方無

決明子

五合

細辛

一兩
六銖

桂心

一兩
八銖

大黃

二兩

螢火

六銖

半 右十五味為末蜜丸如梧子每服三十丸食後服日三

〔衍義〕方中十一味出瓜子散彼因漠漠不明故用墮莖根收斂精氣而保光此因風從火化故用二黃以

掃濕熱蘆子以清肝火螢火專於明目所以本經獨標主治也

乳汁煎 治目中風冷淚出皆赤癢方

川連

十八銖

麩仁

半兩

乾薑

一兩

右三味咬咀以人乳汁一升漬藥

一宿明旦以微火煎取三合線絞去滓取如黍米許內目皆頭日三張文仲方
三味等分

治目赤痛方

雄黃

一銖

細辛

黃連

乾薑

各二銖

右四味合治如粉以綿裹釵股唾濡頭注藥末內大眦

頭急閉目中淚出須臾止勿將手近勿將帛裏勿洗之○又方

雄黃

乾薑

黃連

礬石

各六銖

四味合治並如前方 一方加細辛六銖

治眼赤暗方

古青錢

三枚

青鹽

一兩

杏仁

未熟時取仁
搗汁一合

右三味合內磁器中封頭勿泄氣百日後出著目

四皆頭日二三避風冷

治眼暗赤冷淚方

麩仁

波斯鹽

右二味等分治下篩以驢生脂和每夜傅目四角以一粟大密室中將

息一月日瘥息五辛失明者三十日傅之

治目痛及淚出不止方

削附子作蠶屎大內目中臥良

治目卒癢痛方 削乾薑令圓滑內眥中有汁拭却復內薑味盡易之

治目不明淚出方 以烏雞膽臨臥傅之

〔衍義〕薑得人乳則和而不烈連得麩仁則潤而不燥兼得逆治順治之奧若淚出不止不妨稍減乾薑此義文仲得之 其治目赤痛亦用薑連薑得雄黃則熱得宣通連得細辛則寒能乎化總取寒熱兼濟之力又方 用礬石易細辛佐雄黃以收濕去垢爲薑連之佐使也 其青鹽杏仁汁漬古錢卽前洗眠湯之變法 麩仁波斯鹽驢脂卽前治目風淚出浮瞖多膿爛皆方之變法此用驢脂透風潤燥彼用鯉魚膽除濕去垢主治稍有不同 削附子內目中專主積寒內伏冷淚不止若赤腫疼痛者慎勿誤與 削乾薑令圓滑內眥中治目卒癢痛專主虛陽上擾癢痛不時與削附子內目中同法 烏雞膽汁專主肝血不充熱淚不止與削附子內目中之法角立

治雀盲方 地膚子五兩決明子 升 右二味爲末以米飲汁和丸食後服二十九丸至三十九丸日三盡卽更合癢止

治雀目術 令雀盲人至黃昏時看雀宿處打令驚起雀飛乃呪曰紫公紫公我還教盲汝還我明如此日日

瞑三過作之眼卽明曾試有驗

肝後云後繁載支太醫法

眞珠散 治肝氣虛寒眼青眵不見物方 眞珠一兩 白蜜二合 鯉魚膽 鯉魚腦各一枚 右四味和合微

火煎兩沸綿裹內目中當汁出藥歇更爲之

治目眩無所見方 青羊肝一具細切以水一斗內銅器中煮以麩餅覆上上鑽兩孔如人眼正以目向就

熏目不過再熏即瘥千金翼若眼暮無所見不用麩餅

〔衍義〕地膚益精解熱久服耳聰目明決明療青盲目淫久服益精光輕身允爲調補本虛之良劑 眞珠

散熱消障鯉魚膽腦除風滌熱兼白蜜解毒潤燥總取異類有情功勝草根木實 煮羖羊肝熏目取同氣

相入之義後人用猪羊肝蚌蛤粉煮食從此悟出

治眼暗方 以銅器盛大酢三四升煮七八日覆器濕地取銅青一合以三月杏白仁一升取汁和銅青傳之

不過三四度○又方 古錢七枚銅青 乾薑 石鹽 胡粉 穉冀子各中棗大烏頭 川連三銖細辛五銖

麩仁一百二十粒 酢二合清酒五合楸葉一把 取汁 右十三味治下篩合煎取三分去一盛瓷器中若燥取人乳和

傳目慎風冷○又方 每朝含黃柏一爪甲許使津置掌中拭目訖以水洗之至百日眼明此法乃可終身

行之永除眼疾神良○又方 柴胡六銖決明子十八銖 右二味治下篩人乳汁和傳目可夜書五色

治眼暗方 七月七日生苦瓠中白絞取汁一合以酢一升浸古文錢七枚微火煎減半以米許大內臍中

〔衍義〕銅青入肝去垢杏仁消腫散風方下雖治目暗而腫赤亦宜用之○又方 用古錢銅青薑連鹽乳

細辛麩仁消腎化熱之品總皆點傳恆用之藥惟胡粉佐古錢銅青透達固結之陰毒烏頭合薑連細辛開

發鬱遏之熱邪積鬱治目痛淚出葉能拔毒排膿他方未用世亦罔知其酢通肝滯酒行經絡人乳潤燥非
細心體會不能達此 每朝含黃柏取津唾拭目不獨滋陰兼能清火 柴胡開提肝氣決明滋益精光乳
汁以和血氣 苦瓠和酢浸熬古錢不獨磨腎兼能逐垢但藥頗峻厲虛者宜慎

治眼漠漠無所見方 麩仁 秦皮 川連各十枚螢火七枚 決明子一合 右五味咬咀以水八合微火煎取

三合冷以綿注洗目日三度

〔衍義〕方中麩仁川連決明螢火四味皆出前治五臟客熱上衝眼內外受風冷目痛不明方中但參入秦
皮一味以治目中青翳白膜專取苦降達肝之意但彼蜜丸服此水煎洗內外不同而取用之藥不殊也

常服輕身益氣明目方 蕪菁子一升以水四升煮令汁盡出曝乾復以水四升煮如前法三煮三暴治下篩

飲服方寸匕千金翼云百日身熱瘡出不久自瘥

〔衍義〕前補肝蕪菁子散但用酒煮此三煮三曝為之稍異其無毒則服之充肥有毒者服之瘡出則蕪菁

祛毒之驗於此可徵

主明目令髮不落方 十月上巳日收槐子內新磁甕中以盆密封口三七日發封洗去皮取子從月一日服

一枚二日二枚日別加計十日服五十五枚一月日服一百六十五枚一年服一千九百八十枚小月減六

十枚此藥主補腦早服之髮不白好顏色長生益壽先病冷人勿用之肘後云扁鵲方○又方 牛膽中漬槐子陰

乾百日食後吞一枚十日身輕三十日白髮再黑至百日通神

〔衍義〕槐稟虛宿之精而子專益腎補益水輪之功獨充并可傍及於髮髮乃血之餘任脈所主任爲陰脈之海腎之外垣天一生水之源故主目與髮也 又以槐子漬牛膽中陰乾日服功效尤神

治目中眵不出方 以蠶砂一粒吞下卽出

治稻麥芒等入目中方 取生蟬蟟以新布覆目上將生蟬蟟從布上摩之芒出著布良

治沙石草木入目中不出方 以雞肝注之○又方 以書中白魚和乳汁注目中

治目爲物所傷觸青黑方 煮羊肉令熟熨勿令過熟豬肝亦得

治目痛不得睡方 暮炙新青布熨并蒸大豆袋盛枕之夜常令熱

〔衍義〕目眯用蠶砂 稻芒用蟬蟟 沙石草木用雞肝及書中白魚 物傷煮羊肉熱熨 目痛炙青布

熨并蒸豆袋作枕皆隨機應用之法

目中赤痛從內眦始取之陰躡 目中痛不能視上星主之先取譙譙後取天牖風池 青盲遠視不明承光

主之 目瞑遠視眈眈目窗主之 目眈眈赤痛天柱主之 目眩無所見偏頭痛引目外眦而急領厭主之

目遠視不明惡風淚出憎寒頭痛目眩眇內眦赤痛遠視眈眈無見皆癢痛淫膚白瞤精明主之 青盲無

所見遠視眈眈目中淫膚白膜覆童子巨窞主之 目不明淚出目眩眇瞳子癢遠視眈眈昏夜無見 目闕

動與項口參相引喎僻口不能言刺承泣 目痛僻戾不明四白主之 目赤目黃權窻主之 睛口水溝主之 目痛不明斷交主之 目瞑身汗出承漿主之 青盲瞳目惡風寒上關主之 青盲商陽主之 瞳目眩眩偏歷主之 眼痛下廉主之 目中白瞤前谷主之 目痛泣出甚者如脫前谷主之 白膜覆珠子無所見解谿主之

灸法 餘穴見前

瞳目眩眩少氣灸五里右取左左取右 眼暗灸大椎下數節第十當脊中安灸二百壯惟多為佳至驗 肝勞邪氣眼赤灸當容百壯兩邊各兩穴在眼小眥近後當耳前三陽三陰之會處以兩手按之有上下橫脈則是與耳門相對是也 眼急痛不可遠視灸當瞳入上入髮際一寸隨年壯穴名當陽 風瞤患右目灸右手中指本節頭骨上五壯如小麥大左亦如之 風癢赤痛灸人中近鼻柱二壯仰臥灸之 目卒生瞤灸大指節橫文三壯在左灸右在右灸左良

鼻病第二 論一首 方三十九首 灸法六首

治鼻塞腦冷清涕出方 通草 辛夷各半兩 細辛 甘遂一作甘草 桂心 川芎 附子各一兩 右七味為末蜜丸

線裏內鼻中密封塞勿令氣泄丸如大麻子稍加微覺小痛搗薑為丸即愈用白狗膽汁和之更佳

治鼻塞常清涕出方 細辛 川椒 乾薑 芎藭 吳茱萸 附子各十八銖 桂心 一兩 皂莢屑半兩 猪膏一

斤 右九味咬咀以綿裹苦酒漬一宿取猪膏煎以附子色黃為度去滓綿裹內鼻孔中并摩鼻上

治涕出不止方 灸鼻兩孔與柱齊七壯

香膏 治鼻塞窒方 白芷 川芎 通草各十銖 當歸 細辛 薰草 辛夷各三銖 右七味咬咀以苦酒浸

一宿以不中水猪肪一升煎三上三下以白芷色黃膏成去滓綿沾如棗核大內鼻中日三小品加桂心十八銖

香膏 治鼻不利方 當歸 薰草古今錄驗用木香 通草 細辛 麩仁各十銖 川芎 白芷各半兩 羊髓四兩猪脂亦得 右

八味咬咀以微火合煎三上三下白芷色黃膏成去滓取如小豆大內鼻中日二先患熱後鼻中生赤爛瘡

者以黃芩梔子代當歸細辛○又方 瓜蒂末少許吹鼻中亦可綿裹塞鼻中

治鼻塞多年不聞香臭清水出不止方 取當道車輻過菝蓼一把搗以水三升煎取熟先仰臥使人滿口含

取一合汁灌鼻中使入不過再度大嚏必出一兩個息肉似赤疳一方有黃連等分同煎

〔衍義〕鼻塞腦冷涕出千金多用外治總以辛溫開通經絡為主隨所見標本而加清熱滌垢等藥即濁穢

屬熱亦必藉辛溫以導其滯非若近世以清濁分蘄淵也此方以通草通關利竅引領桂附川芎細辛辛夷

達於病所又須甘遂開奪門戶而與之以出路也 其第二方亦用桂附芎辛更兼椒薑吳萸力倍辛夷抑

且皂莢迅於甘遂酢浸膏煎較蜜丸之緩急霄壤矣 香膏二方並用通草辛芷芎歸薰草前用辛夷以散

頭風腦痛後用麩仁以治邪熱結氣其猪肪羊髓總滋血氣之用惟鼻瘡赤爛者不獨以芩梔代歸辛并不

得用醋漬而前方薰草坊本誤作莽草今從翼方正之 其瓜蒂塞鼻取黃水以去濇濕 痰藜灌鼻取噓
以出息肉雖多年痼疾可使霍然

治鼻窒氣息不通方 小薊一把咬咀以水三升煮取一升分二服○又方 槐葉五升葱白切一升一合

右三味以水五升煮取三升分溫三服

〔衍義〕鼻窒無時得通定屬有形血病多緣衄時誤行止截瘀積髓海所致故專取小薊散血為主 若鼻
塞有時略通定屬無形風病風入腦戶久而不解風從火化故以槐葉清解蘊熱葱豉解散風毒也

治鼻鼈方 通草 細辛 附子 右三味等分爲末蜜丸和綿裹少許內鼻中○又方 甘遂 通草 細

辛 附子各等分 右四味爲末以白雄犬膽和爲丸如棗核大綿裹內鼻中辛熱涕出四五升瘥亦治息肉

治鼈鼻有息肉不聞香臭方 瓜丁 細辛 右二味等分爲末以綿裹如豆大許塞鼻中須臾即通○又方

炙皂莢爲末如小豆大以竹管吹入鼻中○又方 乾薑末蜜和塞鼻中吹亦佳○又方 鐵鑠磨石取末

以豬脂和綿裹內之經日肉出瘥

〔衍義〕鼻鼈必有息肉阻礙氣道不得貫通之故故以散結通氣爲主方用通草開通竅細辛解散結邪

附子流行經絡立方最捷而用之不應故於前方加入甘遂而予之以出路且以犬膽代蜜專力辟除濁垢

也 其用瓜丁細辛專滌濕熱瓜丁即連瓜蒂處苦極者是用以搗鼻專取頭中寒濕黃水濕去則息肉除

而香臭聞矣 皂莢吹鼻猛於瓜丁若吹之過力每致腦中掣痛用者須知 乾薑蜜和塞鼻其法雖緩而用之無咎 鐵銹性沉下氣氣下則結自開熱自墜矣 如上諸法總為因病而斃者設若胎生鼻斃雖有刀圭不能開辟混沌也

通草散

治鼻中息肉不通利方

通草半兩 礬石

珍珠各一兩

右三味為末搥綿如聚核取藥如小豆著

綿頭內鼻中日三易之 一方有細辛桂心各一兩同前搥末和使之

〔衍義〕消鼻中息肉礬石最捷佐以珍珠消管通草透竅加桂心尤為得力

治鼻中息肉不得息方

礬石

藜蘆各六

瓜蒂二七

附子十二

右四味各搗篩合和以小竹管吹藥

如小豆許於鼻孔中以綿絮塞鼻中日再以愈為度

古今錄驗加葶藶兩半

〔衍義〕礬石化息肉藜蘆去死肌瓜蒂祛濕熱附子溫散積結之固疾

治鼻中息肉方 炙蝟皮為末綿裏塞之三日

治鼻中息肉不聞香臭方

燒礬石末以面脂和綿裏著鼻中數日息肉隨藥消落○又方 末瓜丁如小豆

許吹入鼻中必消如此三四度良○又方

綿裹瓜蒂末塞鼻中○又方

細篩釜底墨水服之三五日○

又方 細辛 釜底墨 右二味為末水和服方寸匕

〔衍義〕蝟皮消肉較礬石稍緩瓜丁攻濕熱與瓜蒂無異 其水服釜底墨專散火毒上壅鼻不得息

同細辛用則兼散風熱然惟暴起息肉者宜之翼方又以香油煮煉雄黃內鼻而散息肉功在諸方之上

羊肺散 治鼻中息肉梁起方 羊肺一具乾之白朮四兩菴蓉 通草 川芎 乾薑各二兩 右六味為末食後

以米飲服五分七加至方寸七〇又方 通草十二銖珍珠六銖礬石 細辛各一兩 右四味為末搥綿如棗

核沾散如小豆并綿內鼻中日再三

治鼻中息肉方 灸上星二百壯穴在直鼻入髮際一寸

〔衍義〕鼻梁高起濕熱上攻肺經之驗故首推羊肺之同氣相干以引通草泄熱乾薑散結川芎祛風生朮

燥濕菴蓉之鹹引之下泄也 其後內鼻方即前通草散加細辛以散風熱而梁可平矣

治鼻中生瘡方 搗杏仁乳傅之亦燒核壓取油傅之〇又方 燒牛狗骨灰以臘月豬脂和傅之

〔衍義〕杏仁解毒殺蟲而走肺竅 牛狗骨乃血肉餘滓故可以治血肉之毒

治疔蟲蝕鼻生瘡方 燒銅筋頭以酢淬之數過取酢傅之

〔衍義〕蟲本濕熱所化病從肝生燒銅淬酢以斂肝殺蟲濕熱亦隨之而化矣

治鼻痛方 常以油塗鼻內外酥亦得

治卒食物從鼻中縮入腦中介介痛不出方 牛脂若羊脂如指頭大內鼻中以鼻吸取脂須臾脂消則物隨

脂俱出也

〔衍義〕痛用油塗酥潤物從鼻中縮入腦中梗痛用羊脂吸取總取潤滑之意

論曰鼻頭微白者亾血設令微赤非時者死病人色白者皆亾血也凡時行衄不宜斷之如一二升已上恐多者可斷卽以龍骨末吹之九竅出血者皆用吹之

治大便出血及口鼻皆血出血上心胸氣急此是勞熱所致方 生地八兩蒲黃一升地骨皮五兩黃芩芍

藥 生竹茹各三兩 右六味啖咀以水八升煮取二升七分溫三服

凡吐血衄血溺血皆臟氣虛膈氣傷或驚起悸治之方 生竹皮一升芍藥黃芩各二兩 川芎當歸桂

心 甘草各一兩 右七味啖咀以水一斗煮竹皮減三升下藥煎取二升分三服

治衄血方 生地六兩川芎一兩細辛六銖伏龍肝二枚如雞子大桂心白芷乾薑芍藥甘草吳茱萸各三兩

右十味啖咀以水三升酒七升煮取三升分三服

生地黃湯 治鼻衄方 生地八兩黃芩一兩阿膠甘草各二兩 柏葉一把 右五味啖咀以水七升煮取三

升去滓內膠煎取二升半分三服○又方 生地三斤切阿膠二兩蒲黃六兩 右三味以水五升煮取三升

分三服

治鼻中出血不止方 地黃梔子甘草各等分 右三味治下篩酒服方寸匕日三如鼻疼者加豉一合鼻

有風熱者以葱涕和服如梧子五丸

〔衍義〕血從上下溢出勞熱不能制攝可知故用地黃蒲黃輩爲之止截所謂急則治其標也然必量其稟質多火者方可止之若真陰有虧慎勿誤投生地黃黃芩等味使血滯積不散久成窠癭不可解救者業常見之所以診其鼻微白者爲白血血凶雖多僅宜龍骨末外吹不得寒涼止截若反見鼻微赤是虛火上炎非時所宜故主以死示人切勿妄治也 其第二方治吐血衄血亦用竹皮芍藥黃芩而兼芎歸和血桂心散血甘草和胃與前方止散天淵 其第三方雖用生地黃乃兼薑桂辛萸芎芷伏龍肝等溫散之品則生地亦從之而散血無疑 其第四方大劑生地作主復兼阿膠黃芩柏叶甘草一意止截但欠金匱柏叶湯中薑艾黃土湯中朮附一籌耳 其第五方亦用生地阿膠而加蒲黃雖生用可散血熱在胃氣虛寒者不無奪食作瀉之虞 其第六方但用地黃梔子甘草三味恐苦寒兼併雖用酒服未必能行散血千金等方當時必爲邪熱亢盛妄行不止而設後人可不加察而效尤取咎以爲先哲立方之過歟

又方 飲小薊汁良○又方 搗楮葉汁飲三升大良○又方 取亂髮五兩燒作灰以管吹鼻中棗核大不止益吹之以血斷止并水服方寸七日三甚者夜二已困不識人者服亦佳○又方 淳酢和竈土塗陰囊上乾易之○又方 韭根葱根取汁懸頭著一棗大內鼻中少時更著兩三度瘥葱白搗汁亦得

〔衍義〕飲小薊汁有散血之能 飲楮葉汁有溫血之力吹服髮灰有止中寓散之妙 酢和竈土塗陰囊有引肝火下行之功 葱韭汁內鼻孔有溫經散血之力亦外治之一助也

衄時癢癢便灸足大指節橫理三毛中十壯劇者百壯衄不止灸之并治陰卵腫 又灸風府一穴四壯不止
又灸 又灸涌泉一穴各百壯

口病第三 論一首 方五十六首
灸法二首

論曰凡患口瘡及齒禁油麵酒醬酸酢鹹膩乾棗瘥後仍須慎之若不久慎尋手再發發即難瘥蓄薇根角蒿
爲口瘡之神藥人不知之

治口中面上息肉轉大方 以刀決潰去膿血即愈

治口中瘡久不瘥入胸中並生瘡三年已上不瘥者方 濃煎蓄薇根汁含之又稍稍咽之日三夜一冬用根

夏用莖葉○又方 角蒿灰傅之一宿知二宿瘥有汁吐之不得咽也

〔衍義〕治病各有專藥野生白蓄薇根足陽明經除風殺蟲要藥口瘡乃陽明濕熱除風則濕散故千金以
治口瘡神藥 角蒿辛苦殺蟲蟲本濕熱所化濕去蟲無以生何有口瘡之患

治口瘡不歇方 牛膝 生囊荷根 各三兩 黃柏 三兩 右三味咬咀以綿裹酒三升漬一宿微火煎一兩沸細

細含之

升麻煎 治膀胱熱不已口舌生瘡咽腫方 升麻 元參 蓄薇根白皮 射干 各四兩 大青 黃柏 各三兩 蜜

七合 右七味咬咀以水七升煮取一升五合去滓下蜜更煎兩沸細細含咽之

〔衍義〕口瘡不歇濕熱隨虛陽漸瀆於上蘊為火毒入傷有形之血以故愈而復發牛膝生用去惡血逐火
毒性專下行能使口瘡熱毒下降蘘荷乃芭蕉中之一種色白者為殺蟲神藥取其辛散故口瘡亦得用之
黃柏苦寒降泄酒漬微煎含之雖久瀆之濕熱口瘡必隨之而漸化矣 升麻性升散風腫諸毒療喉痛口
瘡元參治腎虛真陰失守膀胱之火僭逆咽喉腫痛射干療喉痹咽痛不得息散結氣大青瀉肝膽濕熱解
毒殺蟲得薇根柏皮共襄厥功蜂蜜解毒和中滋潤喉舌留戀諸藥性味含之尤為得宜

治口數生瘡連年不瘥方 薔薇根 黃芩 當歸 桔梗 黃芪 白朮 大黃 鼠李根皮 芍藥 續

斷 黃柏 葛根各二兩 右十二味以酒服方寸匕日二亦可漿水服之

治胃中客熱唇口乾燥生瘡方 茯苓 黃芩 甘草 大黃 薔薇根各三銖 枳實 杏仁 黃連各一兩 桂心

半兩 栝蘘根十八銖 右十味為末食前漿水服方寸匕日二

〔衍義〕方中諸藥主治人所易明惟大黃黃芪合用之旨世所共昧蓋瘡之數發不已連年不瘥必有濕熱
浸淫乎裏非大黃不能引領苓栝蘘鼠李開泄火毒於下非黃芪不能引領桔葛歸芍續斷填固血氣於
上脫或火毒雖下而血氣未固必至瘥而復發所以急需黃芪以杜火毒復擾之害 唇口乾燥生瘡脾家
濕熱顯著於外又須伊尹三黃兼苓枳栝蘘以清胃熱桂心熱因熱用為三黃等藥開導濕熱甘草以和寒
熱諸性杏仁薇根口瘡之本藥也

治口熱生瘡方 升麻三十銖 黃連十八銖 古今 右二味為末，酥裹含咽汁亦可去之。

治口瘡方 黃柏二兩 升麻三兩 生地黃五兩 薔薇根皮四兩 右四味咬咀以水七升煮取三升去滓含之。

瘥止含極吐却更含

治口中瘡爛痛不得食方 甘草一寸 黃連六銖 杏仁二十枚 右三味為末，合和酥裹杏仁大含，勿咽日三夜一。

〔衍義〕升麻散火黃連祛濕專主中上二焦燥渴引飲之病用酥裹含咽緩祛浮外客熱不用湯液蕩滌於

裏反戕臟腑正氣 但燥不渴知熱在下焦血分陰火不能勝水故但取升麻散火不用黃連燥濕而易黃

柏專治陰火生地黃專滋陰血薔薇根除風祛濕為口瘡之專藥 若口中瘡爛明是脾家濕火恐成蝕瘡

故用黃連燥濕清熱甘草解毒和中杏仁下氣散結預防蝕之患

薔薇圓 治口中瘡身體有熱氣瘵瘵方 薔薇根 黃芩 鼠李根 當歸 芎根 白薺 黃柏 石龍

芮翼作黃連芍藥 續斷 黃芪二兩 栝蔞根二兩 右十二味為末，蜜和丸如梧子服十丸日三。

〔衍義〕口瘡而見身熱瘵瘵明係陽明濕熱漸漬經脈肉理非湯藥吹點可以疾祛故用薔薇芍藥根栝蔞為

口瘡根本之治芪芍歸續調其營衛芍栝斂芮兼清中外之毒其石龍芮即水菹之子性善流走能利關節

通濕痺在和營藥中蜜丸深得毒藥緩用之奧

又方 梔子 甘草各十銖 細辛三十銖 桂心十二銖 芎藭一兩 右五味為末，蜜丸食後服七丸日再服瘥○又方

芎藭 白芷 橘皮 桂心 棗肉各一兩半 右五味爲末蜜和丸食後服十五丸又含之以瘥爲度此方甚驗

〔衍義〕口瘡而用桂心芎藭導虛火和營血崇本之治難爲俗陳其細辛專散浮熱梔子專散泄虛陽甘艸調和寒熱諸性也 其後方同用芎桂而兼白芷專散風熱橘皮專泄氣滯棗肉專和胃氣蓋用白芷散風卽細辛散熱之意用橘皮泄氣卽梔子泄火之意用棗肉和胃卽甘草和藥之意以意逆之前方必爲多火者設後方必爲多痰者設可不詳審立方之義歟

治口吻生瘡方 以楸白皮及濕貼之三四度瘥○又方 取經年葵根欲腐者彌佳燒作灰熱傳之良○又方 取新炊飯了甑及熱以唇口向甑脣上熨之二七下三兩上瘥止

治口肥瘡方 熬甑上飯令焦豕傳之

治燕吻瘡方 白楊枯枝鐵上燒取醋及熱傳之

〔衍義〕燒松柏澹皆治頭面熱瘡白楊枯枝澹兼主風熱瘡毒

治口傍惡瘡方 乳髮灰 故絮灰 黃連末 乾薑末 右四味等分合和爲散以粉瘡上不過三遍卽愈

〔衍義〕見前小兒雜病門

治口中瘡咽喉塞不利口燥膏方 猪膏 白蜜各一斤 黃連一兩 右三味合煎去滓攪令相得含如半棗大

日四五夜二

〔衍義〕猪膏蜂蜜滋血潤燥不得黃連無以祛散濕熱也

治熱病口爛咽喉生瘡水漿不得入膏方

當歸 射干

升麻各一兩

附子半兩 白蜜四兩

右五味㕮咀以

猪脂四兩先煎令成膏下著地勿令大熱內諸藥微火煎令附子黃色藥成絞去滓內蜜復上火一兩沸令相得置器中令凝取如杏仁大含之日四五遍輒咽之

〔衍義〕方以升麻散火當歸和血射干散咽喉結氣附子導元逆虛陽脂蜜清咽潤燥并和射干附子之烈

治失欠頰車蹉開張不合方

一人以手指牽其頤以漸推之則復入矣推當疾出其指恐誤嚙傷人指也

治失欠頰車蹉方

消蠟和水傅之善

〔衍義〕先用手法以正頰車後消蠟水以傅頰頰取至淡以解蘊熱也

又方 灸背第五椎一日二七壯滿三日未瘥灸氣衝二百壯胸前喉下甲骨中是亦名氣堂○又方 灸足

內踝上三寸宛宛中或三寸五分百壯三報此三陰交穴也

治卒口噤不開方 以附子搗末納管中強開口吹口中

〔衍義〕病起卒暴定屬陰邪苟非辛熱無以開之然亦有火極似水之假象不可不審詳係火毒又必寒熱

兼濟方爲合法單用苦寒則火渴閉不散矣

甘草圓 治口中熱乾方 甘艸 人參 半夏 生薑 烏梅肉各一兩 棗膏二兩 右六味為末蜜丸如彈

子大旋含咽日三

〔衍義〕口中熱乾與虛勞喘熱大異既乾且熱明係脾家津液固結不能灌注於上故用人參甘艸滋益肺胃半夏生薑流濕潤燥烏梅棗膏輪化精微也

治口乾方 羊脂若猪脂雞子大擘之納半升酢中漬一宿絞取汁含之

治口乾除熱下氣方 石膏五合 蜜二升 右二味以水三升煮石膏取二升內蜜煮取二升去滓含如棗核

大咽汁盡更含之

治虛勞口乾方 麥門冬二兩 大棗肉三十枚 右二味以蜜一升和令熟五升米下蒸之任性服○又方 羊

脂如雞子大醇酒半升棗七枚擘合漬七日取棗食之○又方 酸棗一升酸石榴子 烏梅各五合 栝實

葛根 甘艸各三兩 麥門冬四兩 覆盆子三合 右八味為末以蜜丸含如棗大以潤為度

〔衍義〕因津液耗散口乾則用醋漬羊脂絞含 因肺胃客熱口乾則用石膏蜂蜜煮含 因虛勞口乾則

用麥冬大棗蜜和米蒸任服 因虛勞津液不充口乾則用酒漬羊脂製棗取食 因虛勞津液耗散口乾

則用酸棗榴子烏梅收斂津液括躡實開宣痰氣煨葛根敷布胃津炙甘草輸運水穀之精微麥門冬滋益

肺腎之氣化復盆子補益五臟之精氣總取酸收不使津液耗散而灌溉有常烏有口乾之患乎

五香圓 治口及身臭令香止煩散氣方 豆蔻 丁香 藿香 零陵香 青木香 白芷 桂心各一兩

附子二兩 甘松香 當歸各兩 檳榔二枚 右十一味爲末蜜和丸常含一丸如大豆許咽汁日三夜一亦

可常含咽之五日口香十日過體香二七日夜被香三七日下風人聞香四七日洗手水落地香五七日把

他手亦香慎五辛下氣去臭

〔衍義〕身口俱臭濁穢之氣過絕清虛之道故使胸中擾煩口氣不清周身毫孔俱沾汗濕不潔之氣是必辛香調暢其氣使上徹口鼻外徹周身其得力尤在檳榔一味以與穢濁之出路也

含香圓 治口氣臭穢宜常服之方 丁香半兩 甘艸三兩 芎藭一兩 細辛 桂心各一兩 右五味爲末蜜丸

如彈子大臨臥時服二丸○又方 桂心 甘艸 細辛 橘皮 右四味等分治下篩以酒服一錢匕瘥

止○又方 棗肉八兩 芎藭 白芷 橘皮 桂心各四兩 右五味爲末次納棗肉乾則加蜜和丸如大豆

許巨服十丸食前食後常含之或吞之七日大香

治口中臭方 桂心古今錄驗用細辛 甘艸各等分 右二味爲末臨臥以指撮許酒服二十日即香○又方 細辛豆

蔻含之甚良○又方 蜀椒 桂心各等分 右二味爲末酒服三指撮許

主口香去臭方 甘草三十銖 白芷十八銖 川芎二十銖 右三味治下篩以酒服方寸七日三服三十日口香○又

方 大棗 瓜子仁 松根白皮 右三味治下篩以酒服方寸七日二服一百日衣被香○又方 瓜子

仁 芎藭 藁本 當歸 杜蘅各六銖 細辛 半兩 防風 二兩 右七味治下舖食後飲服方寸七日三服五

日口香十日身香二十日肉香三十日衣被香五十日遠聞香 一方加白芷十八銖○又方 濃煮細辛

汁含之久乃吐之○又方 香薷一把水一斗煎取三升稍稍含之○又方 橘皮二十銖 桂心十八銖 木蘭皮

一兩大棗二十枚 右四味治下舖酒服方寸七日三久服身香亦可以棗肉丸之服二十九如楮子大稍加

至三十九一方有芎藭十八銖○又方 甜瓜子仁 蜜和丸如棗核大每日空心洗漱訖含一丸亦傳齒

○又方 熬大豆令焦及熱酢沃取汁含之

治七孔臭氣皆令香方 沉香五兩 藁本三兩 白皮半升 丁香五合 甘草 當歸 芎藭 麝香各二兩 右

八味為蜜丸如小豆大食後服五丸日三久服令舉身皆香

〔衍義〕千金治口氣諸方或服或含多用辛香開竅之品惟用香薷辟除水道瓜仁開豁痰垢為從本之治

後人師之有效其餘治七孔臭氣薰衣諸法皆非療疾所需姑存以俟修容者採用

治身體臭令香方 甘草皮 白芷各一兩半 瓜子仁二兩 藁本 當歸 細辛 桂心各一兩 右七味治下舖酒

服方寸七日三服五日口香三七日身香○又方 甘草 松根皮 大棗 甜瓜子各等分 右四味治下

舖食後服方寸七日三七日知百日大香

薰衣香方 零陵香 丁香 青桂皮 青木香 雞骨煎香 鬱金香 楓香各三兩 薰陸香 蘇合香 甘

松香 甲香各二兩 沉水香 五兩 雀頭香 白檀香 安息香 艾納香 藿香各一兩 真麝香半兩 右十八

味為末蜜二升半煮肥聚四十枚令爛熟以手痛搗令爛如粥以生布絞去滓用和香乾濕如捺麵搗五百

杵成丸密封七日乃用之以微火燒之以盆水內籠下以殺火氣不爾必有焦氣也○又方 沉香 煎香

各五兩 雀頭香 丁子香 藿香各一兩 右五味治下篩內麝香末半兩粗羅臨薰衣時蜜和用○又方 薰

陸香 沉香 檀香 兜婁婆香 煎香 甘松香 零陵香 藿香各一兩 丁香十八兩 棗肉 八兩 苜蓿香 二

兩 右十一味粗下篩合棗肉再搗量加蜜丸用之

濕香方 沉香二斤七兩九銖 甘松香 檀香 雀頭香一作藿香 雞骨煎香 甲香 零陵香 丁香各三兩 麝香二兩九銖

薰陸香三兩六銖 右十味為末臨用時以蜜和若預和味歇不中用○又方 沉香三兩 零陵香 煎香 麝香

各一兩半 丁子香 藿香各半兩 甲香 檀香各三兩 薰陸香 甘松香六銖 右十味粗下篩蜜利用薰衣瓶盛埋

之久嘗佳

百和香通道俗用者方 沉香 五兩 丁子香 雞骨香 兜婁婆香 甲香各三兩 薰陸香 白檀香 熟捷香

炭末各二兩 零陵香 青木香 青桂皮 甘松香 白漸香柴也 藿香各一兩 雀頭香 蘇合香 安息香

麝香 燕香各半兩 右二十味為末酒漬軟再宿酒氣歇以白蜜和內磁器中蠟紙封勿令氣洩冬月開取

門六佳

裏衣香方 丁子香一兩 苜蓿香二兩 甘松香 茅香各三兩 藿香 零陵香各四兩 六味各搗加澤蘭葉四兩

粗下篩用之極美○又方 零陵香二兩 藿香 苜蓿香 甘松香 白檀香 煎香 沉水香各一兩 右

七味合搗加麝香半兩粗下篩用如前法○又方 藿香四兩 丁香 甘松香 麝香 沉香 煎香 右

六味粗下篩和為乾香取裏衣大佳

舌病第四方十一首

升麻煎 舌王心臟熱即應舌生瘡裂破引唇揭赤服之泯熱方 蜀升麻 射干各三兩 柏葉切一兩 大青二

兩 苦竹葉切地黃汁各五兩 生元參汁二合 赤蜜八兩 生蘆根 薔薇根白皮各五兩 右十味咀咀以水四升

煮取一升去滓下元參汁令兩沸次下地黃汁兩沸次下蜜煎取一升七合緣煮取汁安舌上含細細咽之

治舌上瘡不得食舌本強頸兩邊痛此是心虛熱所致之方 柴胡 升麻 芍藥 梔子仁 通草各二兩 黃

芩 大青 杏仁各一兩半 生薑 石膏各四兩 右十味咀咀以水一斗九升煮取三升半分四服日三夜一滓

可重煎服之

〔衍義〕舌乃心之苗包絡侮於君主則生瘡破裂其來也漸若龍雷亢逆則脹大滿口其發最暴但緩從正

治暴須從治亦有包絡兼挾龍雷者則於緩急微甚之間隨其逆順多少而為處裁如此方用升麻升散射

干破結柏葉大青等味涼血解熱惟薔薇根除風解毒為口舌專藥 第二方因頸兩邊俱痛故以柴胡兼

升麻提挈清陽杏仁下氣解毒與用射干之意不殊生薑爲奪門健卒引領石膏大青輩直達底裏可無捍格不久之患矣

治舌卒腫滿口溢出如吹猪胞氣息不得通須臾不治殺人方 急以指刮破舌兩邊去汁卽愈亦可以鉞刀決兩邊破以瘡膏傅之○又方 刺舌下兩邊大脈血出勿使刺著舌下中央脈血出不止殺人如上治不愈或血出數升則燒鐵篋令赤熨瘡數週以絕血也

〔衍義〕舌腫脹滿口如吹猪胞乃龍雷亢極卒然而發藥所不及非急爲決破難以救療 又刺舌兩邊去血以泄其毒則與前法無異如刺後腫仍不減血出不止則燒鐵篋烙刺瘡上亦救急法中之法○又方 半夏十二枚洗熟以酢一升煮取八合稍稍含漱之吐出加生薑一兩佳

治舌腫起如猪胞方 釜下墨末以酢厚傅舌上下脫去更傅須臾卽消若先決出血汁竟傅之彌佳凡此患人皆不識或錯治益困殺人甚急但看其舌下自有噤蟲形狀或如螻蛄或如臥蠶子細看之有頭尾其頭少白燒鐵釘烙頭上使熱卽自消

〔衍義〕金匱苦酒湯治少陰病咽中傷生瘡不能語言聲不出故以雞子殼內半夏苦酒和雞子清煮取含咽千金借此以治舌卒腫滿口溢出與咽無預故不用雞子清但取半夏辛溫開通陰氣之閉塞苦酒酸寒收斂陰津之浮散更加生薑則毒無餘蘊矣 又取釜墨醋傅以散陰火暴逆同氣相招之妙用無逾於此

在決破後用之尤爲應手又須視舌下有蟲形者急爲烙之陰毒最暴不急下手變證叵測況錯治乎

治舌腫強滿口方 滿口含糖酢少許時熱通卽止

治舌腫滿口不得語方 鹽一升 麝蟲三十枚 右二味以水三升煮三沸含之稍稍咽之日三

治舌強不得語方 礬石 桂心 右二味等分爲末安舌下立瘥

舌上黑有數孔大如筋出血如湧泉此心臟病治之方 戎鹽 黃芩一作葵子 黃柏 大黃各五兩 人參 桂心

甘草各二兩 右七味爲末蜜丸梧子大以飲服十九日三亦燒鐵篋烙之

治舌上出血如泉方 燒鐵篋熱烙孔中良

〔衍義〕舌雖腫硬滿口而不似猪胞其勢較前稍緩但取糖醋含漱探吐頑涎熱毒便可宣通矣 舌腫滿口不得語而用鹽麝方下雖無病因察其舌心僵紫故可驗爲血證無疑 舌強不得語而用礬桂方下亦無病因察其舌色必淡故以滌垢散結爲務也 舌孔出血如湧泉心包與龍雷之勢交煽非三黃不能奪其亢逆非戎鹽不能滋其真陰非桂心不能攝其虛陽非人參甘草不能實其中土以杜陰火復擾之患藥所不及又須熱烙血孔與刺後血不止舌下有蟲形烙法無異總取同氣相感之力耳

腎病第五 方二十二首 灸法二首

潤脾膏 治脾熱腎焦枯無潤方 生天門冬 生地黃汁一升 生麥門冬 葳蕤各四兩 猪膏三斤 細辛 甘

草 芎藭

白朮各二兩

黃芪

升麻各三兩

右十一味咀諸藥苦酒淹一宿懸裏藥臨煎下生地黃汁與

猪膏共煎取膏鳴水氣盡去滓取細細含之

〔衍義〕方中二冬歲薺地黃猪膏以滋血氣之燥升麻細辛以散經氣之熱白朮黃芪以固肌氣之鬆甘草以和諸藥之性苦酒以收諸氣之散也

甲煎脣脂 治脣裂口臭方

先以麻搗泥泥兩口好磁瓶容一斗已上各厚半寸曬令乾

甘松香 五兩 艾

納香 苜蓿香

茅香各一兩

藿香 三兩 零陵香 四兩

右六味先以酒一升水五升相和作湯洗香令淨切

碎又以酒水各一升漬一宿明旦取烏麻油一斗五升上六味內其中微火煎三上三下去滓內上件一口

瓶中令少許不滿然後取

上沉香 三斤 雀頭香

蘇合香各八兩

白膠香

白檀香各五兩

丁香

麝香 甲

香各一兩

右八味先酒水相和作湯洗香令淨各別搗碎不用絕細以蜜二升酒一升和香內上件磁瓶中

令實滿以絲裹瓶口又以竹篾交橫約之勿令香出先掘地埋上件油瓶令口與地平以香瓶合覆油瓶上

令兩口相當以麻搗泥泥兩瓶口際令牢密可厚半寸許用糠壅瓶上厚五寸燒之火欲盡即加糠三日三

夜勿令火絕計糠十二石訖停三日令冷出之別研蠟八斤煮數沸內紫草十二兩煎數十沸取一莖紫草

向爪甲上研看紫草骨白出之又以絲濾過與前煎相和令調乃內硃砂粉六兩攪令相得少冷未凝之間

傾置竹筒中筒上用紙裏纏之待凝冷解開任意用之計此可得五十挺

甲煎口脂 治唇白無血色及口臭方

燒香澤法 沉香 甲香 丁香 麝香 檀香 蘇合香 薰陸香 零陵香 白膠香 藿香 甘松香

澤蘭 右十二味各六兩胡麻五升先煎油令熟乃下白膠香藿香甘松澤蘭少時下火懸瀝內磁瓶中餘

八種香搗作末以蜜和勿過濕內著一小磁瓶中令滿以綿幕口竹十字絡之以小瓶覆大瓶上兩口相合

蜜泥泥之乃掘地埋油瓶令口與地平乃聚乾牛糞燒之一方用糠七日七夜不須急滿十二日火尤佳待

冷出之即盛其瓶並須熟泥勻厚一寸曬乾乃可用

鍊蠟合甲煎法 蠟 紫草各二兩 右先鍊蠟令消乃內紫草煮少時候看以紫草向指甲上研之紫草心白

即出之下蠟勿令凝即傾瀉一合甲煎於蠟中均攪灌筒中勿觸動候冷凝乃取之便成好口脂也傳口面

日三

治緊管方 纏白布作大燈炷如指安斧刃上燃炷令刃汗出拭取傳管上日二三度或故青布亦佳并治瀝

管○又方 自死蠨蛄灰傳之○又方 炙松脂貼上取瘡○又方 取蛇皮拭淨燒為灰傳之○又方 以

火炙蠟貼管取瘡○又方 水服蠨蛄灰良○又方 青布灰以酒服之脂和塗亦可○又方 灸虎口男

左女右○又方 灸承漿三壯

治瀝管方 以乾蟻螯燒末和豬脂臨臥傳之○又方 燒蟹甲及頭令烟盡為末傳之日三度

治唇生瘡方 以頭垢傅之日三度○又方 以胡粉傅之

治唇邊生瘡連年不瘥方 以八月藍葉十斤絞取汁洗不過三日卽瘥

治唇舌忽生瘡方 燒雞屎白爲末以布裹著病上含之

治唇黑腫痛癢不可忍方 以竹弓彈出惡血取瘥○又方 燒亂髮及蜂房六畜毛作灰豬脂和傅之亦治

癩唇

治冬月唇乾坼血出方 搗桃仁以豬脂和傅之

治遠行唇口面皴裂方 熟煎豬脂將行夜常取傅面行走萬里野宿不損

〔衍義〕甲煎諸方咸取香竈無益於治也惟鍊蠟合甲煎方取蠟之淡以化熱紫艸之鹹以滋血唇脂方中首推簡要藥也 他如鐵汁松脂蛇蛻蜜蠟螬蟲布灰隨便可以取用鱉甲頭垢胡粉藍葉雞屎白灰並治唇瘡髮灰蜂房桃仁豬脂皆治唇黑腫癢能散惡血熟煎豬膏常取傅面取其不沾塵垢所謂醫者意也豈可拘於繩墨哉

孫真人備急千金要方卷六下

長洲張 璐路玉衍義

南沙席 世臣郢客校

七竅病方下凡四類

齒病第六 論一首 方三十六
灸法二首

論曰凡齒斷宜露多是疳蠱及月蝕以角蒿灰夜傳斷間使滿勿食油不過二三夜瘥食油及乾棗卽發所以患齒者忌油乾棗及桂心每旦以一掬鹽內口中以溫水含揩齒及叩齒自遍爲之不絕不過五日口齒卽牢密凡人齒斷不能食果菜者皆由齒根露也爲此鹽湯揩齒叩齒法無不愈也神良凡人好患齒病多由月蝕夜食飲之所致也識者深宜慎之所以日月蝕未平時特忌飲食小兒亦然

治齲齒及蟲痛方

白附子 知母

細辛

各六銖

芎藭

各十銖

高良薑 各十銖 右五味爲末以綿裹少許著齒上有

汁吐出一日兩度含之亦治口氣

〔衍義〕齒爲骨之餘屬腎而實陽明所司齒斷動搖固爲腎病疳蝕齲齒豈非濕熱爲患乎所云以角蒿灰

夜傳專主蟲蝕標病用蒿卽青蒿中一種生莖者但世罕採用詳青蒿灰淋汁和石灰可以點惡瘡息肉并可借治齒斷蟲蝕可知又云每旦以鹽揩齒此則專主少陰不特入骨固脫兼能清理濕熱標本兼該之治也此方首推白附溫散陽明風毒細辛入骨搜風芎藭散頭腦風良薑溫散結熱四味辛溫藥中專取知母

之甘寒直入少陰引領蘊積熱邪悉從之而解散矣

又方○切白馬懸蹄如米許以綿裹著痛處孔不過三度善

〔衍義〕白馬蹄本經主蠱毒不詳別錄主內崩齩齒千金治齩齒痛總取殺蟲散血之功也

治齩齒蠱齒積年不瘥從少至老方○雀麥草一名杜姥草似牛毛草以苦瓠葉四十枚淨洗露一宿平旦取草屈長二寸廣一寸厚五分以瓠葉裹傳之作五六十裹子取三年讖醋浸之至日中取兩裹內火中炮令極熱內口中齒外邊熨之冷則易之取銅器以水內中解裹於水中洗之得蟲長三分老者黃赤色少者白色多者得三四十枚少者得一二十枚

〔衍義〕雀麥達肝瓠葉殺蟲浸以讖醋專收蟲醫

治蟲齒方○莢蓉子三合如無葱子韭子並得以青錢七文燒令赤取小嬰口子令可口含得者將錢內嬰子

中取一撮許莢蓉子安錢上令炮炆聲仍與半合許水淋令氣上從嬰出將口含嬰口令氣莫出用熏齒冷

復更作取三合藥盡為劑非止蟲齒得瘥或過風齒齩齒齒中病悉主之口中多津即吐之○又方 白楊

葉切一升水三升煮取一升含之○又方 大醋一升煮枸杞根白皮一升取半升含之蟲立出○又方

取桃仁少許以釵頭穿向燈上燒之烟出經少時吹滅即內口中安蟲齒上咬之不過五六度一方作胡

桃仁

〔衍義〕本經以黃芩爲齒痛出蟲專藥千金靈法最良其葱子辛溫達竅韭子辛熱壯火皆取濁惡之氣以攻濁惡疔蝕也 白楊葉殺蟲散血卽水楊葉煮漱亦良 枸杞根疏利濕熱得醋煮以收濕辟蟲不似黃芩葱韭子有攻毒傷齒之患 桃仁力能破血妙用尤在炮香氣竄投蟲所喜與胡桃仁同義

治疔蟲蝕齒根方○地龍置石上著一撮鹽須臾化爲水以麪展取却待凝厚取以內病上又以皂莢去皮塗上蟲卽出○又方 純麻子燭燼研以井花水塗之○又方 黑殺羊脂黃芩各等分先燒鐵鋤斧釜令赤內其中烟出以布單覆令烟氣入口熏之

〔衍義〕蚓性鹹寒得鹽化水用麪收取以內痛上足以散其濕熱疼腫矣又須皂莢之去風痺死肌何憚蟲毒不化耶 麻仁去風燭燼散火乃以井水化其火毒 殺羊角入山燒之辟惡鬼虎狼亦能殺疥其脂之開結透經并莢蓉子以殺蟲化毒乃燒鐵置二物薰之與前燒錢置罌莢蓉子熏法無異

治齒斷腫痛及蟲痛方 黃芩 甘草 桂心 當歸 細辛 蛇床子各一兩 右六味咬咀以醋漿水七升煮取三升去滓含之日三夜二

治齒有孔不得食面腫方 莽草 猪椒附根皮長四寸者七枚 右二味咬咀以漿水三升煮取一升滿口含倦卽

吐却日二三度

治齒根腫方 松葉一把切 鹽一合 右二味以酒三升煮取一升含之

〔衍義〕痛腫渾是濕熱故用黃芩清火甘草解熱桂心引入患所以爲濕熱嚮導當歸和血細辛搜風蛇床除風頭痛本經之主治也六味藥中除黃芩甘草餘皆辛散故用醋漿水煎深得散中寓斂之妙 莽草猪椒根皮皆治毒風疼痛之峻藥此惟藜蘆氣實者宜之 松葉去風散濕得鹽以製其燥得酒以鼓其力也

治齒根動欲脫落方 生地黄綿裹著齒上昨之咬咀以汁漬齒根日四五度著之并咽汁十日內大佳

治齒根動且痛方 生地黄 獨活各三兩 右二味咬咀以水一升漬一宿取含之

〔衍義〕齒根動搖皆屬腎虛挾火動而不痛尤爲腎虛之驗非生地黄之甘寒不能清熱固脫也 若動搖

且痛且腫必是腎虛風襲乃於生地黄中兼獨活以搜之與細辛功用不殊也

治齒斷間津津血出不止方 生竹茹二兩醋煮含之○又方 細辛二兩甘草一兩 右二味咬咀以醋二

升煎取一升日夜旋含之○又方 礬石一兩燒水三升煮取一升先拭血乃含之已後不用朽人牙根齒

落不用之可也

治齒間血出方○以苦竹葉濃煮與鹽少許寒温得所含之冷卽吐○又方 温童子小便半升取三合含之

其血卽止也

治齒出血不止方 刮生竹皮二兩苦酒浸之令其人解衣坐使人含噴其背上三遍仍取竹茹濃煮汁勿與

鹽適寒温含漱之竟日爲度

治酒醉牙齒湧血出方 當歸二兩 礬石六銖 桂心 細辛 甘草各一兩 右五味咬咀以漿水五升煮取三

升含之日五六夜三〇又方 燒鐵釘令赤注血孔中止

〔衍義〕血從齒斷津津而出明係陽明虛熱故用竹茹專清浮火兼取醋煮酸以收之病本在經但取含漱不須煎服 若前法不應應是風熱爲患審其人必有鼻塞面赤之證又當與細辛搜風甘草和胃用醋煎

含其血當自止 若涌脫無度不得已用礬湯劫之但瀉酸透骨朽人牙根不可常試 如勢不大劇則於

竹葉湯中入鹽以降泄之 童子小便乘熱含漱卽竹葉湯中用鹽之意 竹皮醋浸而三嚙其背使人毛

孔凜然其血卽止非傷寒病在陽應以汗解反以水嚙之比嚙後仍令含漱浮火既斂所以不用鹹降也

酒醉後齒斷血涌濕熱勢盛卽於前治齒斷腫痛及蟲痛方中除去黃芩蛇床易入礬石亦是涌脫勢劇不

獲已而用之 倘含不卽應乃燒鐵釘烙血孔中又劫法中之劫法

治頭面風口齒疼痛不可忍方〇 川椒一合 莽草十葉 雀李根 獨活各二兩 細辛 芎藭 防風各一兩 右

七味咬咀以酒二升半煮取五沸去滓含之冷吐更含之勿咽汁張文仲有白朮二兩〇又方 雞屎白燒灰以綿裹

置齒痛上咬昨之〇又方 雞屎白以醋煮漬稍稍含之〇又方 煮枸杞汁含之〇又方 生地黃一節

蒜一瓣 右二味熟搗綿裹著痛上咬之勿咽汁出吐之日日爲之瘥止〇又方 含驢尿須臾卽止

〔衍義〕口齒之患非有風寒客邪何至痛不可忍所以方前昭揭頭面風三字而用一派搜風之藥獨不用

醋而用酒煮含漱也 其雞屎白燒灰不獨下氣亦能去風雞屬巽而走肝也 醋煮雞屎白尤斂風熱柯

杞煮汁含漱能去風熱以非蟲齒故不用醋 生地黃甘寒帶苦專散血中之熱得蒜之辛薰氣烈通達諸

竅以祛濁惡之滯同氣相入之用也 驢屎穢濁利竅殺蟲與前方用蒜同意 驢屎雞屎白皆利水治脹豈

特齒痛之用哉

治風齒疼痛方 灸外踝上高骨前交脈三壯又以線量手中指至掌後橫文折為四分量橫文後當臂中灸

一壯愈灸之當隨左右

含漱湯 治齒痛方 獨活 當歸各三兩 黃芩 細辛 芎藭 藁芩各一兩 丁香一兩 右七味咬咀以水五

升煮取二升半去滓含漱須臾悶出吐更含之古今錄驗同 又方 含白馬尿隨左右含之不過三五日

〔衍義〕齒病多屬暴寒鬱遏濕熱故用芎藭細辛丁香藁芩獨活當歸從治之劑但以黃芩一味為寒因熱

用之間諒慎勿過用以取實實之咎 白馬尿破結殺蟲與驢尿同功

漱湯 治齒痛方 腐棘刺二百枚以水二升煮一升旋取含之日四五度以瘥止○又方 芎藭 細辛

防風 礬石 附子 藜蘆 莽草 右七味各等分作衣綿裹如彈丸大酒浸安所患處含勿咽日三刺

破極佳○又方 蚯蚓糞水和作稠泥團以火燒令極赤如粉以臘月猪膏和傅齒斷上日二三度永瘥○

又方 取自死蚯蚓乾者搗末著痛處即止

〔衍義〕棘刺之銳以利竅與皂角刺之解毒義同治異取其陳腐以除陳久之氣也 其芎辛防風藜蘆莽草總攻風毒礬石滌除垢膩尙恐不逮乃以附子雄悍之力助之刺破極佳者破則熱毒得以外泄矣

治齒斷痛不可食生果方 生地黃 桂心 右二味合嚼令味相得咽之○又方 馬齒莧一把嚼之即瘥

治牙癰塞口噤不開方 附子大者一枚黃連十八銖礬石一兩 右三味爲衣內管中強開口吹之入喉間細細吹

之

〔衍義〕生地黃甘寒以清濕熱桂心辛散以與出路寒熱兼濟標本兼該之治故宜服之可無毒藥傷中之虞 馬齒莧散血消腫 附子與黃連並用卽地黃桂心之變法乃加礬石以滌痰垢然但吹不服深得峻

藥緩攻之旨

喉病第七 證一首 灸法二首 方四十首

小續命湯加杏仁一兩治卒喉痹不得語 方見第十卷諸風門

〔衍義〕小續命開發風痰喉痹不得語亦由風痰阻塞關竅不通所致故於本方加入杏仁一味本經專主

喉痹下氣氣下則痰自降痹自開聲自出矣

烏髮膏 喉嚨者脾胃之候若藏熱喉則腫塞神氣不通服方 生烏髮十兩升麻三兩羚羊角 通草 芍

藥各二兩 薔薇根切一升 生地黃切五合 猪脂二斤艾葉六銖生者佳 右九味咬咀綿裹苦酒一升淹浸一宿內猪脂

中微火煎取酒盡膏不鳴爲度去滓薄綿裹膏似大杏仁內喉中細細吞之

〔衍義〕烏嚶卽射干苦寒有毒本經專主喉痹咽痛升麻升散結氣羚羊弛筋散風通草通行經絡芍藥和血通痺薺薇根除風解毒生地黄滋陰化熱生艾辛溫散結豬脂潤膈利咽苦酒收斂咽瘡端不出南陽苦酒湯成法

治喉腫痛風毒衝心胸方

鼓一升半

犀角

射干

杏仁

甘草

各二兩

芍藥

三兩

梔子

七枚

升麻

四兩

羊角一兩半

右九味咬咀以水九升煮取三升去滓內鼓煮一沸分三服

〔衍義〕風毒而用射干升麻羚羊芍藥卽前烏嚶膏中之半射干之攻解風毒可謂峻矣猶恐其力不逮更濟之以杏仁香鼓辟除惡毒犀角梔子專治火逆甘草欸留諸味於膈上不使藥力易散也

治喉腫胸脇支滿方 灸尺澤百壯

治風毒咽水不得下及瘰癧腫方

升麻

芍藥

各一兩

射干

杏仁

楓香

萬根

麻黃

各三兩

甘草

二兩

右八味咬咀以水八升煮取二升半分三服○又方 以水服葶苈子末兩錢匕神良

〔衍義〕八味藥中惟楓香脂專疏肺氣芍藥收斂營血餘皆開發風熱之用觀前烏嚶膏及治風毒衝心胸

二方例推自明 又取葶苈之走而不守專攻風毒用水服之以解在上標熱也

治喉痹方 荆瀝稍稍咽之効○又方 燒牛角末酒服之夏○又方 臘月猪尾燒末水服之○又方 含

雞屎白良○又方 熬杏仁令黑含或吞服之○又方 巴豆去皮針線穿咽入牽出良○又方 馬蘭子
半升水二升煮服一升半服之○又方 煮桃皮汁三升服之○又方 燒荆汁服之又水三升煮刺一握
取一升分三服○又方 刺手小指爪文中出三天豆許血逐左右刺皆須慎酒麪毒物

〔衍義〕荆瀝專開經絡痰涎力倍竹瀝 牛屬坤土其角專行陽明燔之能散積血 猪爲水獸尾動屬風
取臘月者專治少陰風毒也 雞屎白下氣散腫不特治脹喉痹亦得用之取穢惡之氣以攻穢惡之毒也
杏仁橫散泄肺熬黑則泄氣下滯從陷胸中悟出 巴豆性烈破結故能引毒外泄然僅可施之藜蘆若
膏梁柔脆之質未許輕試也 馬蘭入陽明血分有破宿生新之功服漱無不宜之 桃皮功專和血有辟
邪解毒之用 燒荆汁服其力稍遜於瀝然無寒滑傷中之虞元氣瘠薄者宜之

治喉痹及毒氣方 桔梗二兩水三升煮取一升頓服之○又方 附子一枚破作大片蜜塗炙令黃含咽汁
含盡更塗炙如前法○又方生薑二斤搗取汁蜜五合微火煎相和服一合日五○又方 剉大蒜塞耳鼻
日二易

〔衍義〕喉痹多屬於火然證有陰陽真假治分逆順緩急若不爲辨晰差之毫釐相背千里詳仲景熱傳少
陰例二三日咽痛有桔梗湯方與甘草用同此恐甘草性緩不能治欬忽之患故單用一味以取專功若少
陰病虛陽暴逆咽痛則當用後蜜炙附子又非桔梗可以槩治也 蜜炙附子含咽略借辛溫氣味以通其

陽而化假熱以非真陽本虛故無取於峻溫況得蜜製深得甘緩從治之義 薑汁和蜜煎服取其辛甘以散虛火之逆 蒜塞耳鼻雖係外治亦是熱因熱用從治散結之法

治喉痹卒不得語方 濃煎桂汁服一升亦可衣桂著舌下漸咽之良○又方 煮大豆汁含之無豆用豉亦佳○又方 以酒五合和人乳汁半升分二服○又方 燒炊草作灰一指撮水服之○又方 芥子水和傳之乾則易○又方 商陸苦酒熬令濃熟傅之○又方 衣桂心如棗核大綿裹著舌下須臾破

〔衍義〕桂味辛甘達竅善走廉泉開通喉痹最捷若用苦寒則轉閉塞不通矣 大豆汁不獨解毒兼能療風但性緩不能治龍雷之暴逆 人乳和酒服專滋咽喉乾燥卒不得語當非閉塞腫痛之比 炊草受氣最多燒灰服之取蒸發津氣於上也 芥子辛散豁痰 商陸利水達竅以毒攻毒外用咸宜 桂衣著舌下重補綿裹之法有所引動則穿破毒泄矣

治喉卒腫不下食方 以韭一把搗熬傅之冷則易○又方 含上好醋口舌有瘡亦佳

〔衍義〕韭味潤惡專散惡血醋味酸寒專斂口瘡丹方中之可法者

治懸癰乘熱暴腫長方 乾薑半夏等分末以少小著舌上○又方 鹽水以筴頭張口挂之日五

治懸癰咽中生息肉舌腫方 羊蹄草煮口含之○又方 鹽鼓和塗之良○又方 取四五歲小兒尿合鹽含之

〔衍義〕懸癰暴腫龍火使然陰邪必用從治故用薑半之辛以散之 鹽蘆筋頭點之鹹能要堅降火也

羊蹄根汁取其散腫 鹽豉和塗取其化熱 童子小便取其降火

凡喉癰深腫連頰吐氣數者名馬喉癰治之方 馬啣一具水二升煮取一升分三服○又方 鼈中蒼耳

三七枚燒末水服之○又方 馬鞭草根一握勿用水截去兩頭搗取汁服之良○又方 燒穀奴灰酒服之立破

〔衍義〕喉癰數數吐氣如馬擺鼻者風氣襲於血脉也 馬性祛風故靈樞馬膏專治中風口僻此用馬口

時時啣嚼之鐵以鎮攝風毒也 蒼耳散顛頂之風取鼈中陳久者燒灰以治在上陳久之風氣 馬鞭草

專散咽喉風毒血 結穀奴灰專滌胃中不正之氣也

母薑酒 咽門者肝膽之候若臍熱咽門則塞而氣閉若臍寒咽門則破而聲嘶此證宜服之乃效 母薑汁

二升酥 牛髓 油各一兩 桂心 秦椒各一兩 防風一兩 芎藭 獨活各一兩 右九味為末薑汁中煎取

相淹濡下髓酥油等令調微火三上三下煎平且溫清酒一升下三合膏即細細吞之日三夜一○又方

丹參 升麻 雄黃 杏仁 鬼臼 甘草 射干各一兩 麝香半兩 右八味為末蜜丸如梧子飲下一丸

加至五丸日三酒服亦佳咽痛失聲不利用之良

〔衍義〕肝為將軍之官肝盛則龍雷上逆而咽門氣閉臍為清淨之府臍虛則痰涎內迫而咽颯聲嘶雖有

臟腑之分上熱下寒則一肝爲陰藏縱屬熱邪法無直折之理故用薑桂椒芎以導陰火防風獨活以散風熱牛髓油酥專滋血氣之傷也 又方專主寒涎沃膽故用射干鬼臼雄黃麝香開痰利竅杏仁升麻升清降濁丹參甘草和血安中其旨全在咽痛失聲與母薑酒各司其任

治咽傷語聲不徹方

酒

酥各一升

乾薑

二兩

通草

桂心

石菖蒲

各二兩

右六味合和服一七日三〇又

方

酒

酥各一升

乾薑

十兩

右三味以酒二合酥一匕薑末二匕相和服日三食後服亦治肺痛

治咽塞咳嗽方

桂心

六銖

杏仁

十八銖

右二味爲末蜜丸如杏仁大含之細細咽汁日夜勿絕

〔衍義〕此因咽傷而致語聲不徹故用薑桂之辛溫以行血脈之滯薑蒲通草以通氣道之阻酥酒以滋津液之傷也 其傷之不甚者僅取酥酒乾薑以和肺氣之結痛不須薑蒲桂通草通調氣之阻礙也 若咳嗽聲啞是必誤藥所致又須桂心杏仁和血利氣以挽寒涼傷肺之失

治咽痛逆氣不能食方

麻子一升熬令黑以酒一升淋取汁空心一服一升漸至二升多汗好覆勿觸風冷

此方兼理產婦及丈夫中風如角弓反張口噤不開大驗與紫湯氣力同

〔衍義〕咽因火氣上逆而痛故用麻子清潤肺胃之津液則咽痛自盡出納無礙矣況熬黑酒淋能作汗散

火與大豆紫湯無異角弓反張亦得療之

治卒咽痛方

懸木鈎燒末水服方寸七日三〇又方

燒炊筭一枚漿水服方寸七

〔衍義〕咽痛起於倉卒明是風火爲患因取懸鉤燒滾水服以降火消痰并解酒濕之毒 燒炊單漿水調服取其酸收較前方水服差勝

治卒風咽腫面腫方 杏仁末和雞子黃更搗傅上乾復易之七八度若腫汁出煮醋和伏龍肝傅乾更易之

治口咽方 燒麻子脂服之良

〔衍義〕杏仁消腫鷄子黃清熱傅腫硬最良若腫與汁出又宜醋和伏龍肝末傅之取溫和之氣以收濕熱之毒也 咽痛燒麻子脂服卽前麻子熬黑酒淋之變法

治咽喉不利下氣方 射干 杏仁 人參 附子 桂心各一兩 右五味爲末蜜丸如指大含一丸稍稍咽

之令藥味相接

〔衍義〕咽喉不利多屬真陰虧少不能收攝虛陽而浮擾於上非藉附子之力不能導之歸源前治喉痺毒氣用蜜炙附子含咽此同杏仁射干散毒下氣人參桂心助力散堅校之前法緩急霄壤

治咽喉中痛癢吐之不出咽之不入似得蠱毒方 含生薑五十日

〔衍義〕咽喉忽痛忽癢定屬虛火無疑若係實火則驟發腫痛而無稍寧之時矣生薑辛溫專散虛火但虛

證難期速應故以五十日爲期

又方 青布裹麻黃燒以竹筒盛煙熏咽中

〔衍義〕風寒客邪久襲於經而化火毒故用麻黃燻烟熏法既散客邪兼泄火毒也

耳病第八方五十四首

治腎熱肯急癢痛耳膿血出或生肉塞之不聞人聲方 磁石 白朮 牡蠣各五兩 甘草 一兩 葱白 生地

黃汁各一升 芍藥 四兩 大棗十五枚 生麥門冬 六兩 右九味咬咀以水九升煮取三升分三服

〔衍義〕腎開竅於耳腎熱則風生於下風生則激於上故欲治腎熱先須鎮攝真精所以首推磁石本經專

主耳聾佐以牡蠣兼地黃門冬則滋益精氣芍藥收斂營血白朮甘草杜風竇脾葱白散邪通陽大棗助諸

經補身中不足也

治腎熱面黑目白腎氣內傷耳鳴吼鬧短氣四肢疼痛腰背相引小便黃赤方 白朮 五兩 生薑 六兩 元參 四

兩 澤瀉 二兩 淡竹葉切一升 茯苓各三兩 羊腎一具治如食法 生地黃切一升 右九味咬咀以水二斗煮羊腎竹

葉取水一斗去滓澄之下藥煮取三升分三服不已日三更服一劑

〔衍義〕前方治腎熱生風此治腎虛生熱蓋面黑明係陽明土衰目白明係少陰水虧故用白朮專培土衰

羊腎專培水虧白朮性滯苓澤佐之羊腎性溫地芍滋之元參淡竹葉專清腎熱生薑專散諸藥之滯也

治腎熱耳膿血出流日夜不止方 鯉魚腦 一枚 鯉魚腸一具洗細切 鯉魚頤 三枚 烏麻子熬令香 右四味先

搗麻子碎次用餘藥搗為一家內器中微火熬暖布裹薄耳得兩食頃開之有白蟲出更作藥若兩耳並膿

出用此爲一劑以薄兩耳若止一耳分藥爲兩劑不過三薄便瘥慎風冷

〔衍義〕腎熱耳溜膿血明是濕熱憑凌於上與多年久聾截然兩途魚腦髓本經專主卒聾一腦不足以濟其用更加腸臆以通頭腦經絡濕熱水氣諸治也其烏麻子卽胡麻子專補腦髓堅筋骨協濟鯉魚腦髓以清少陰水濕之邪守真所謂鯉之治水鶩之利水因其相感而用之也

治腎虛寒腰脊苦痛陰陽微弱耳鳴焦枯方 生地黃汁二升羊腎一具白朮 麥麩各一斤甘草 乾薑地骨皮

各八兩桂心 杜仲 黃芪各四兩當歸 五味子各二兩白蜜 生天門冬汁各三升 右十四味爲末內盆中取

前三物汁和研微火上暖盆取熱更研日曬乾常研令離盆酒服方寸匕日再

〔衍義〕此以腎虛而見耳鳴焦枯等證方中僅用薑桂二味辛溫救本反兼地黃天冬清潤治標之藥過於辛溫救本之味者以其有鳴響火動之擾焦枯水虧之見又不得以治標爲事也其用麥麩者取其消運滯

氣耳

治聾鳴汁出皆由腎寒或一二十年不瘥之方 柘根三十斤萬蒲切五斗各用水一石故鐵二十斤燒赤水五斗取五斗去滓澄清 右三味合一石五斗用米二石并麩二斗釀如常法酒熟一月封頭開清用磁石噏鐵者三斤搗爲末

清 內酒中浸三宿飲之日夜飲之常飲取小醉而眠取聞人語乃止藥○又方 服天門冬酒百日瘥方見十

四卷○又方 礬石少許以生薑蒲根汁和點入耳中

〔衍義〕柘根能通腎氣故聖惠方治耳鳴耳聾藏器煮汁釀酒主風虛耳聾勞損虛羸腰腎冷千金兼菖蒲故鐵釀酒漬磁石京服之輒效治聾諸方無如此之妙應也 又天門冬酒清金降火益水上源下通腎氣而聾自愈矣 礬石辟除垢膩合菖蒲汁以通利關竅也

治勞聾氣聾虛聾毒聾久聾耳鳴方 山茱萸 乾薑 巴戟天 芍藥 澤瀉 桂心 兔絲子 黃芪

乾地黃 遠志 蛇牀子 石斛 當歸 細辛 菴蓍 牡丹 人參 甘草 附子 茯苓各二兩 菖蒲

一兩 羊腎二枚 防風一兩半 右二十三味爲末蜜丸如梧子食後服十五丸日三加至三四丸止皆緣腎

虛耳故作補腎方又作薄利九竅藥卽瘥

〔衍義〕諸聾總不出腎虛而爲濕熱痰火所襲故專溫補利竅則諸聾悉宜其防風一味昔人所謂鳥在高巖惟射以取之也

治耳聾方 巴豆 杏仁各七枚 印成鹽兩顆 生地黃極粗者長一寸半 頭髮雞子大燒灰 右五味治下篩以綿薄裹內耳

中一日一夜若小損卽去之直以物塞耳耳中黃水及膿出漸漸有效不得更著不著一宿後更內一日一

夜還去之依前○又方 蓖麻子五合 杏仁 菖蒲 磁石 桃仁 石鹽 通草各二分 巴豆一分 附子二

分 薰陸香 松脂各十 蠟八兩 右十二味先搗草石令細別研諸仁如脂內松脂蠟合搗數千杵令可丸

乃止丸如棗核大綿裹塞耳一日四五度出之轉捻不過三四日易之○又方 磁石四兩 天門冬 地骨

皮 生薑各三兩 山茱萸 土瓜根 牡荊子 茯苓 菖蒲 芎藭 枳實 白芷 橘皮 甘草各二兩 竹

瀝二升 右十五味咀咀以水八升煮減半內瀝煮取二升五合分三服五日一劑三者乃著散內耳中如

後方○又方 磁石四兩 石膏 白麩 牡丹 山茱萸 牛膝 土瓜根各二兩 右七味治下篩綿裹

塞耳日一易之仍服大三五七散佳方見十三卷○又方 蠟 松脂 薰陸香 蓴麻 石鹽 亂髮灰

右六味等分爲末作丸綿裹塞耳中時易之癢止○又方 巴豆十四枚 成鍊松脂半兩 二味合治丸如黍

米大綿裹以著頭著耳中日一易藥如硬微火炙以汁出乃愈大效○又方 防風 菖蒲 細辛 附子

芎藭各六枚 雄鯉魚腦一枚 右六味咀咀以魚腦合煎三上三下以膏香爲末瀘去滓冷如一棗核灌耳

中以綿塞之古今錄驗用療風聾久耳中鳴者以當歸代防風以白芷代芎藭 ○又方 竹筒盛鯉魚腦炊飯處蒸之冷泔注於耳中○又

方 菖蒲 附子 右二味等分爲末以麻油和以綿裹內耳中廣濟方以療耳卒痛欲死者崔氏以苦酒和塞耳 ○又方 燒鐵

令赤投酒中飲之仍以磁石塞耳中日一易夜去之旦別著○又方 蓴麻一百顆去皮 大棗十五枚去皮核 右二味

熟搗丸如杏仁大內耳中二十日卽癢○又方 芥子搗碎以男兒乳和綿裹內之○又方 取柴胡苗汁

灌耳中再度癢○又方 作一坑可容二升許著炭火其中坑似窰形以磚覆口上磚上作一孔子容小指

磚孔上著地黃一升以木盆覆之以泥泥盆下勿洩盆底上鑽一小孔可容箸其孔上著三重布以耳孔當

盆上薰久若悶去黃水髮裏鹽塞之不過二三度神效○又方 搗鼓作餅填耳內以地黃長五六分削一

頭令尖內耳中與鼓餅底齊餅上著楸葉蓋之剝一孔如飭頭透餅於上灸三壯○又方 作泥餅子厚薄

如餛飩皮覆耳上四邊勿令泄氣當耳孔上以草刺泥餅穿作一小孔於上以艾灸之百壯候耳中痛不可

忍卽止側耳傾却黃水出盡卽瘥當灸時若泥乾數易之○又方 截箭箚二寸內耳中以麩擁四畔勿令

泄氣灸筒上七壯○又方 酒三升牡荊子碎二升浸七日去滓任性服盡雖三十年久聾亦瘥○又方

硫黃雄黃各等分爲末綿裹內耳中數日聞人語聲○又方 以綿裹蛇膏塞耳神良○又方 淳酢微火

煎附子一宿削令可入耳以綿裹塞耳良○又方 礬石 甘草 苒蒲 當歸 細辛 防風 芎藭

白芷 烏賊骨 附子 皂莢各半兩 巴豆十四枚 右十二味薄切三升酢漬一宿以不中水雞膏九合煎三上

三下以巴豆色黃則膏成去滓內雄黃末攪調取棗核大瀝耳中綿塞之日三易○又方 桂心十八銖 野葛

六銖 成煎雞肪五十兩 右三味咬咀於銅器中微火煎三沸去滓密貯勿泄以韋筒盛如棗核大火炙令少

熱欬臥傾耳灌之如此十日聾自出大如指長一寸久聾不過三十日以髮裏膏深塞莫使泄氣五日乃

出之千金翼云治二十年耳聾

治耳聾乾聾不可出方 搗自死白項蚯蚓安葱葉中用麩封頭蒸令熱並化爲水以汁滴入耳中滿卽止

不過數度卽挑易出瘥後髮裏鹽塞之肘後以療聾軸入耳立効○又方 取酢三年者灌之最良次用綿塞半日許必

有物出

〔衍義〕巴豆辛烈開通閉塞杏仁橫散下氣泄滯石鹽鹹降滋益腎水地黃甘寒逐血通痹髮灰補陰去竅惡血專賴巴豆引入以開通關竅之閉塞也 又方以草麻仁爲君專力拔邪外出能出有形之滯物氣味與巴豆相類其相開竅之功薰陸治血松脂收濕兼杏仁菖蒲通艸輩搗和綿裹塞耳較前方藥品雖繁簡不同而功力不殊也 又方以磁石收攝陰虛龍火上炎耳鳴嘈嘈爲主而兼益腎清火豁痰開竅分解風熱諸味服之以除內病并用後磁石等七味外治之法仍服大三五七散佳取其辛溫達竅以濟前方先清火而繼之以溫補也 其後塞注諸方或用草麻或用巴豆或用附子或用鯉魚腦及燒鐵投酒飲并以磁石塞耳等方咸不出乎上法可以按證取用 芥子裹內耳中專取溫散柴胡苗汁灌耳中專通少陽 地黃薰法專取煖氣以薰蒸地黃散血之功 鼓餅灸法泥餅灸法及箭籥灸筒法總取溫散通達之義酒浸牡荊實服之專治耳聾以其能治風逐濕祛痰解熱也 硫雄二黃塞耳專取溫散 綿裹蛇膏取其性竄善開風閉加麝尤妙 醋煎附子內耳散中寓斂且不令辛烈之氣暴發 礬皂巴豆取其辟穢菖蒲辛附取其開竅芎歸烏賊取其散血防風白芷取其去風甘草專和藥性醋漬辟惡斂肝雞膏滋津化毒雄黃專辟陰邪之固閉也 又以桂心利關竅野葛治惡風雞肪潤竅取町疇自出 白項蚯蚓入葱化汁取其竄穴之性而解熱毒之閉也 陳醋滴耳專取辟惡利竅

赤膏 治耳聾齒方 桂心 大黃 白朮 細辛 芎藭各一兩 乾薑二兩 丹參五兩 蜀椒一升 巴豆十枚 大

附子二枝 右十味咬咀以苦酒二升漬一宿內成煎猪肪三斤火上煎三上三下藥成去滓可服可摩耳
聾者綿裹內耳中齒冷痛則著齒間諸痛皆摩若中有病以酒和服如棗許大咽喉痛取棗核大吞之

〔衍義〕耳聾多緣痰濕閉遏齒痛良由寒苑熱邪故用桂附椒薑以破少陰之結芫薺細辛以散腦戶之邪
白朮丹參逐濕和營大黃巴豆一開熱結一破寒結苦酒猪脂與前陳醋雞膏同意但雞走肝而猪達腎稍
有不同其潤竅之用則一可服可摩可治久聾可治齒痛蓋耳與齒總皆屬腎也

治卒耳聾方 細辛 菖蒲 杏仁 麴末各十銖 右四味和搗為丸乾即著少猪脂取如棗核大綿裹內耳

中日一易小瘥二日一易夜去巨塞

治三十年久聾方 故鐵三十斤以水七斗浸三宿取汁入麴釀米七斗如常造酒法候熟取磁石一斤研末
浸酒中三日乃可飲取醉以綿裹磁石內耳中好覆頭臥酒醒去磁石即瘥

治耳聾有膿散方 附子一兩禹餘糧六銖伏龍肝 龍骨 釜底墨 烏賊骨各半兩 右六味為末取如皂莢

子大綿裹內耳中日一易取瘥不瘥者有蟲加麝香一豆大

治耳聾有膿不瘥有蟲方 酢三合鯉魚腸一具切 右二味和搗綿裹內耳中兩食頃當悶痛有白蟲著藥去

之更入新者蟲盡乃止其藥去蟲還可用○又方 先以紙纏去耳中汁次以礬石末粉耳中次以石鹽末

粉其上食久乃起不過再度永瘥○又方 擣桂和鯉魚腦內耳中不過三四度瘥

〔衍義〕細辛菖蒲杏仁藜朮草根木實雖能利竅其性本輕僅可以治卒暴之聾 鐵磁釀酒塞耳金石之

品性味沉重力能鎮攝故可以治久聾固疾 附子餘糧伏龍骨釜墨烏賊麝香專治虛陽上泛熾癢致

傷膿水淋漓之聾 醋與鯉魚腸專治濕熱上盛焮腫有蟲疼癢之聾 礬石石鹽專除濕熱浸淫之聾

桂朮鯉魚腦專散虛火暴卒之聾諸方分治虛實新久天淵

治耳鳴聾方 當歸 細辛 芎藭 防風 附子 白芷 各六銖 右六味為朮以鯉魚腦八兩合煎三上三

下膏成去滓取棗核大灌耳中且以綿塞耳孔

〔衍義〕耳聾本屬腎虛然但虛無風火之擾何有鳴響之患此方雖用細辛防風白芷風藥而其所主全在

鯉魚腦髓專達腦戶搜風芎歸滋養營血以化風火附子峻溫骨髓以攝虛陽虛陽斂而鳴響自除

治耳鳴水入方 附子 礬石 各六銖 甘草 各十銖 通草 細辛 桂心 各十銖 菖蒲 一兩 獨活 一兩半 右八味為朮

以白鵝脂半合稍稍和取如棗核大綿裹內耳中日三旋旋利用 一本用葱涕半合

〔衍義〕水入耳鳴正氣內拒相搏而響故用生附桂心以助真陽祛濕之力細辛獨活以達少陰濕滯之經

通草菖蒲以通血脈阻塞之竅礬石以辟竅中所著之濕甘草以和方中諸藥之性白鵝脂專力疏風而能

涼利五臟與雞膏猪脂角立

治耳鳴如流水聲不治久成聾者方 掘生烏頭乘濕削如棗核大內耳中日一易不過三日愈亦療癢及卒

風聾病

〔衍義〕烏頭性專搜風勝濕而生者之性尤速癢亦虛風所致故專取一味無藉他藥

治聾耳出膿汁方 礬石 赤石脂 黃連 烏賊骨 右四味各等分爲末以綿裹如棗核大內耳中日三

小品不用赤石脂姚氏加龍骨一兩千金翼同姚氏

治聾耳痛膿血出方 取釜月下灰薄耳中日三次易換每換以篋子去之再著取癢止

治聾耳方 取桃仁熟搗以舊新絹裹內耳中日三易以癢爲度

治底耳方 取黃礬燒綿裹內耳中不過二三日愈或以葦管吹耳中肘後以療耳卒腫出膿

〔衍義〕礬石收濕黃連去熱烏賊散血石脂固斂與龍骨同功 釜月下土温燥收濕 桃仁温潤散血礬

石酸澀辟垢也

治百蟲入耳方 蜀椒末一撮以酢半升調灌耳中行二十步卽出○又方 火熨桃葉捲之取塞耳立出○

又方 取車轄脂傅耳孔蟲自出肘後以療聾耳膿血○又方 以葱涕灌耳蟲卽出亦治耳聾

治蜈蚣入耳方 炙猪肉令香掩耳卽出

治蠅蚰入耳方 炒胡麻研碎以葛袋盛傾耳枕之卽出○又方 以牛酪灌之滿耳卽出出當半消若入腹

中空腹食好酪一二升卽化爲黃水而不出盡更服用之神效千金翼作牛乳

治耳中有物不可出方 以弓弦從一頭令散傳好膠桂著耳中物上停之令相著徐徐引出

〔衍義〕椒醋辛酸性味俱竄諸蟲所畏 桃葉性專殺蟲車轄脂走而不守況有鐵氣可以辟蟲 葱能利

竅涕最滑澤使蟲易出 炙肉誘蟲取其氣者投其所好不獨猪肉豕雞尤為蜈蚣所喜 蜒蚰性喜胡麻

炒香以誘之也 牛酪性温能消蜒蚰以中有酥能更堅化物况此濕熱所化之類乎 一切野蜉蠅蚋及

引灌蟲死不能出者莫如弓弦或麻蠅剪斷蘸膠粘之最為便捷

面藥第九方七十九首

五香散 治野炮麝香黑運赤氣令人白光潤方 黃芪 白茯苓 菱麩 杜若 大豆黃卷 商陸各二兩

白芷 當歸 白附子 冬瓜仁 杜蘅 白殭蠶 辛夷仁 香附子 丁子香 蜀水花即驢糞尿 旋覆花

防風 木蘭 芎藭 藁本 皂莢 台膠 杏仁 天門冬 土瓜根 白朮 梅肉 酸漿 水萍各三兩

兩畢豆四兩猪脰二具曬乾 右三十二味治下篩取洗面二七日白一年與眾別

洗手面令白淨悅澤澡豆方 白豆麩三升麩三升漉猪脰為餅晒乾搗篩 冬瓜仁四合猪脰大者二具細切 白茯苓 白芷 白

鮮皮 栝藟子 白朮 白附子 白蘼 兔絲子 土瓜根 羌活 菱麩 桃仁 杏仁 商陸 芎

藭各一兩 右十九味合搗篩入麩猪脰拌勻更搗每日常用以漿水洗甚良○又方 畢豆麩 栝藟實二兩

一方猪脰五具細切 土瓜根 白茯苓 菱麩各五兩 皂莢三挺 右七味搗篩將猪脰拌和更搗令勻每旦取洗

手面百日白淨○又方 白芷 白薇 白朮 桃仁 冬瓜仁 杏仁 菱麩各等 皂莢倍其數 右八味

為末絹篩洗手面時即用○又方 畢豆麩三升大豆黃麩亦得 白芷 青木香 甘松香 零陵香 藿香各二兩 冬

葵子一本冬瓜于 栝蘘仁四兩 右八味擣篩用如常法

令人面白淨悅澤方 白薇 白朮 白附子 白芷各二兩 猪脰三具水漬去赤汁研爛 藿本三兩 右六味為末先以

蕪菁子半升又酒水各半升相和煎數沸研如泥合諸藥內酒水中以磁器貯封三日每夜取傅面旦以漿

水洗之

令人面潔白悅澤顏色紅潤方 猪脰五具 蕪菁子二兩 栝蘘子五兩 桃仁三兩 右四味以酒和熟擣傅之

慎風日○又方 採三株桃陰乾為末空心飲服方寸七日三斤細腰身○又方 酒漬桃花服之好顏色

治百病三月三日收

澡豆 治手乾燥少潤膩方 大豆黃五升 赤小豆去皮 零陵香子 苜蓿各一升 冬瓜仁 茅香各六分 丁香五分

麝香一兩猪脰五具細切 右九味細擣羅與猪脰相合和曝乾再搗篩取洗手面○又方 大豆末二升 猪脰絹篩

乾之五具 蒟藿灰一兩 甘松香 零陵香二兩 白茯苓 藿本 白芷各四兩 白商陸五兩 右九味為末調和乾與

猪脰相和更擣令勻欲用稍稍取以洗手面八九月合冷處貯之三月以後勿用神良

面脂 主悅澤人面耐老方 冬瓜仁 白芷 商陸 芎藭各三兩 當歸 藿本 靡蕪 土瓜根去皮 桃仁各

兩 姜麩 細辛 防風各一兩半 木蘭皮 辛夷 甘松香 麝香 白殭蠶 白附子 梔子花 零陵香兩半

猪脰三具切水漬六日欲用時以酒按取汁漬藥 右二十一味薄切綿裹以猪脰汁漬一宿平旦以煎猪脂六升微火三上三

下白芷色黃膏成去滓入麝收於磁器中取塗面○又方 治面上皺黑凡是面上疾皆主之方 丁香

零陵香 梔子花 桃仁 白薇 茯苓 土瓜根 兔絲子 防風 沉香 辛夷 當歸 麝香 藁

本 商陸 芎藭各三兩 姜麩一作芫香一本無 白芷 甘松香 白殭蠶 木蘭皮各二兩半 蜀花水 青木香

冬瓜仁四兩 羊腎脂 鵝脂各一兩半 羊髓 一升 生猪脂 三升 右二十九味咬咀先以美酒五升按猪脰六具

取汁漬藥一宿於猪脂中微火極煎三上三下白芷色黃以綿一大兩生布中絞去滓入麝香末以白木篋

攪至凝乃止任性用之良

面膏 去風寒令人面光悅却老去皺方 青木香 白附子 白蠟 白芷 芎藭 零陵香 香附子各二兩

茯苓 甘松各一兩 羊髓一升半煉 右十味咬咀以酒水各半升漬藥經宿次日煎三上三下候酒水盡膏成

去滓取傅面如壯若有黧黧皆落

玉屑面膏 治面無光澤皮肉皺黑久用令人潔白光潤方 玉屑細研 土瓜根 白附子 商陸 芎藭

姜麩 冬瓜仁 桃仁 白芷 木蘭 辛夷各一兩 兔絲子 青木香 藁本 當歸 黃芪 白殭蠶

藿香 細辛各十銖 麝香 防風 鷹屎白 蜀水花一合 猪脰各半兩 白大脂 鵝脂 熊脂三具細切 猪脂肪各一

升 右二十八味先以水漬猪鵝犬熊脂數易水浸令血脈盡乃可用咬咀諸藥清酒一斗浸一宿明旦生壁猪鵝等脂安藥中取銅鑿於炭上微煎至暮時乃熟以綿濾置磁器中仍以練繫白芷片看色黃即膏成其猪脂取浸藥酒採取汁安鑿中其玉屑蜀水花鷹屎白麝香為末膏成安藥中攪令勻旋取傅面

玉屑面脂方 玉屑 白附子 白茯苓 青木香 菱麩 白朮 白殭蠶 蜜陀僧 甘松香 烏頭

商陸 石膏 黃芪 胡粉 芍藥 藁本 防風 芒硝 白檀各一兩 當歸 土瓜根 桃仁 芎藭各二兩

兩 辛夷 桃花 白頭翁 零陵香 細辛 知母各半兩 猪脂一升 羊腎脂一具 白犬脂 鵝脂各一兩

三十三味切以酒水各一升合漬一宿出之用銅器微火煎令水氣盡候白芷色黃去滓停一宿旦以柳枝

攪勻乃用之○又方 令黑者皆白老者皆少方 玉屑 寒水石 木蘭皮 旋覆花 珊瑚 丁香

土瓜根 蜀水花 白茯苓 芎藭 兔絲 辛夷仁 冬瓜仁 白頭翁 當歸 藁本 白殭蠶 青

木香 蕪菁子 梔子花 細辛 菱麩 商陸 白芷 防風 黃芪 桃仁 藿香 前胡 桂心

半夏 白蘘 杏仁 麝燕 芒硝 杜蘅 麝香 秦椒 礬石 秦皮 杜若 升麻 蜀椒 黃芩

白薇各六銖 栝蘘仁一兩 熊脂 鵝脂 羊髓 牛髓 白狗脂五合 鷹屎白一合 猪肪脂 清酒各一升

五十四味咬咀酒漬一宿內脂等合煎三上三下酒氣盡膏成絞去滓下麝香末攪至凝色變乃止磁器密

貯勿洩氣

鍊脂法 凡合面脂先須知鍊脂法以十二月買極肥大豬脂水漬七八日日一易水煎取清脂投水中鍊鵝熊脂皆如此法

治外膏 主面黧黯方 白芷 白蠟各二兩 白附子 辛夷 防風 烏頭 零陵香 藿香 姜蕤各半兩

本一兩商陸 麝香各六銖 麻油二合羊脂五合牛脂 鵝脂各一升 右十六味薄切醋漬浹經一宿旦合

煎候白芷色黃膏成以皂莢湯洗面傅之日三甚良○又方 雞子三枚胡粉細研丁香各一兩 右三味先

以醋一升漬七日後取雞子白調香粉令勻以漿水洗面傅之○又方 白礬 石硫黃 白附子各六銖

右三味為末以酢一盞漬三日夜淨洗面傅之莫見風日慎三七日可白如雪

白面方 牡蠣三兩土瓜根一兩 右二味為末白蜜和取塗面即如白玉且以溫漿日洗之宜慎風日

豬蹄湯 洗手面令光潤方 豬蹄一具桑白皮 芎藭 姜蕤 白芷 白茯苓各三兩 商陸一作當歸 白朮各二兩

右八味咬咀以水三斗煎豬蹄及藥取一斗去滓每溫一盞洗手面大佳

豬蹄漿 急面皮去老皺生光澤方 大豬蹄一具淨治如食法以水二升漬漿水一升不滌釜中煮成膏用

洗手面又以此藥和澡豆夜塗面且用漿水洗面即愈

鹿角散 令百歲老人面如少年時生光澤潔白方 鹿角長一握 牛乳三升芎藭 細辛 天門冬 白芷

白朮 白薇 白附子 酥酪各三兩 杏仁五七枚 右十一咬咀先以水漬鹿角一百日出之與諸藥內牛乳

中緩火煎令汁盡出角以白練袋盛餘藥勿收至夜取牛乳石上磨鹿角取塗面且以漿洗之無乳小便研亦得

治面黑不淨洗手面澡豆方 白豆屑二升 白附子 甘松香 丁子香 白芷 白殭蠶 鷹屎白 白

檀香 白朮 木香一用芎藭 白鮮皮各三兩 大棗 杏仁各三兩 麝香二兩 白梅肉三七兩 麴三升 冬瓜仁五

合猪脰三具 雞子白七枚 土瓜根一兩一本 右二十一味先以猪脰和麪曬乾然後合諸藥搗末又以白

豆屑二升為散每日用盥洗十日色白如雪二十日如凝脂神驗千金翼無白殭蠶芎藭

〔衍義〕修容諸方多用外傳如五香散中白附專除黥黑皂莢專祛毒風水萍開溱發汗去風甚於皂莢冬

瓜仁悅澤顏色木蘭皮去面熱皴皴畢豆俗名豌豆善去癩野今人誤認綠豆多謬用之蜀水花乃鷓鴣屎

滅癩與鷹屎白同功而悅澤顏色之功過之猪脰善滌垢膩白梅能去惡肉二物皆練帛所用其性可知其

餘祛風逐濕和血調氣及芳香等藥未遑悉陳他如鵝脂羊髓猪肪牛酥之類總取潤澤之用不必拘執其

方也

鉛丹散 治面黑令人面白如雪方 鉛丹三十銖 真女苑六十銖 右二味治下篩酒服一刀圭日三男十日女

二十日知之則止黑色皆從大便出面白如雪

〔衍義〕面黑屬腎故用鉛丹專祛腎氣發外之滯女苑專泄肺氣本經專主氣病肘後用酢漿水服十日大

便黑二十日面白便止通用則太白大傷元氣所以三十歲不可服中年之後不必復修容色也

白楊皮散 治面異手足黑令光澤潔白方 白楊皮十八銖一 桃花三兩白瓜子仁三十銖 右三味治下飾

溫酒服方寸七日三欲白加瓜子欲赤加桃花三十日面白五十日手足俱白

治面黑生黥炮方 白薇十二銖 生礬石救急方無 白石脂六銖 杏仁三銖 右四味研和雞子白夜臥塗面上日用

井花水洗之

治面黥炮令人悅白方 栝蘘子六合 白石脂五合 雀屎二合去黑麝香 右四味擣篩別研麝香雀屎白石脂和

合取生兔絲子汁和之如薄泥先用澡豆洗去面上垢膩次以藥塗黥上日夜三四度平旦溫漿水洗之

治黥黯烏麤令面潔白方 馬珂二兩 白附子 鷹屎白 珊瑚各一兩 右四味研成粉和勻用人乳調每夜

取傅面明旦溫漿水洗之

〔衍義〕馬珂白附鷹屎珊瑚皆滅瘢專藥獨不用玉屑者黥黯皆血分之滯無暇及於氣分之藥也

去面上靨子黑痣方 夜以溫漿水洗面以生布揩靨子令赤痛水研白旆檀取濃汁塗靨子上旦復以暖漿

水洗之次以鷹屎白傅其上

洗面去黥黯主悅白方 猪脰二具去脂 豆麪四升 冬瓜仁半升 皂莢五挺 細辛 白朮各一兩 防風 白欬 白芷各二兩

兩商陸三兩 右十味和土瓜根一兩搗絹羅取大猪蹄一具煮令爛作汁和散為餅曬乾再搗為末羅取

鹽洗不過一年悅白

桃仁澡豆 主悅澤去黧黯方 桃仁 燕菁子一兩 畢豆麩二升 白朮六合 土瓜根七合 右五味合和搗

篩以酢漿水洗手面

桃花圓 治面黑黧令人潔白光悅方 桃花二升 桂心 烏喙 甘草各一兩 右四味為末白蜜丸如大豆

許每服十九日二服十可易形 一方有白附子甜瓜子杏仁各二兩為七味

〔衍養〕桃花殺瘰癧惡鬼令人好顏色桂心治結氣利關節烏喙破積聚寒熱甘艸治五臟六腑寒熱邪氣皆

本經主治

治面黧黯內外兼治方 成鍊松脂為末温酒服三合日三服盡三升無不瘥

治面黧方 李子仁為末和雞子白傅一宿即落○又方 甘艸二兩末 白羊乳二升 羊脂二具水漬去汁細切 右三味

相和一宿先以酢漿洗面生布拭之夜傅藥兩遍明旦以猪蹄湯洗却每夜洗之○又方 白附子為末酒

和傅之即落○又方 桂心 蜜 石鹽各等分 右三味為末相和傅之○又方 以上硃砂研細如粉和

白蜜塗之旦以酢漿洗却大驗○又方 白附子 香附子 白檀 馬珂 紫檀各一兩 右五味為末白

蜜和如杏仁大陰乾臨用以水研塗面旦以温水洗却忌風油七日面色如蓮花○又方 水和丹砂末服

方寸七男七日女二七日色白如雪

治人面黧黯膚色粗陋皮厚狀醜方 殺羊脛骨爲末以雞子白和傅之旦以白淨梁米泔洗之三日白如雪
〔衍義〕羊脛膏灰可消銅鐵而殺羊角走肝燒之能辟蠱毒與羚羊角相類其脛骨灰散血逐穢取雞子白
和傅以去粗陋厚皮自然白淨○又方 白蜜和茯苓粉傅之七日愈○又方 杏仁酒浸皮脫搗碎絹袋
盛夜取拭面○又方 酒浸雞子三枚蜜封四七日成傅面白如雪○又方 杏仁爲末雞子白 右二味
和夜塗面明旦以米泔洗之

治面多黧黯皮肉粗澀令人不老皆主之方 硃砂 雄黃各三兩 水銀霜半兩上胡粉二兩黃鷹糞一升 右
五味並細研如粉以面脂和淨洗面夜塗之以手細摩令熱明旦不廢作粧然須五日一洗面一塗不過三
遍所有惡物一切皆除數倍少嫩慎風日不傳神秘

治面黧黯令悅澤光白潤好及手皴方 猪蹄二具治如食法白梁米一升洗令淨 右二味以水五斗合前猪蹄爛取清

汁三斗用煮後藥 白茯苓 商陸各五兩 萎蕤三兩 白芷 藜蘆各二兩 右五味咬咀用煎藥汁三斗并研

杏仁一升令煎取一斗五升去滓瓷瓶盛貯內甘松零陵香末各一兩入膏中攪令勻綿羈之每夜取塗手

面

治面黑黧黯皮皺皴散方 白附子 蜜陀僧 牡蠣 茯苓 芎藭各二兩 右五味爲末和以羊乳夜塗面

以手摩之旦用漿水洗不過五六度皮脫黧黯瘥矣

治面黥黧方 沉香 牛黃 薰陸香 雌黃 鷹屎 丁香 玉屑各十銖 水銀六銖 右八味爲細末蜜和

以傅之

白瓜子圓 治面黥黧令色白方 白瓜子一兩 遠志 藁本 杜蘅 雲母粉 車前子 白芷 當歸各

兩 細辛 柏子仁 栝蠆仁 橘皮 白石脂 鉛丹各半兩 天門冬三兩 右十五味爲末蜜和丸如梧子

大空心服二十九日三

〔衍義〕鉛丹除熱下氣而鎮攝陰邪從大便出雲母粉治身皮死肌白石脂斂固肺氣肺氣固則色白也白瓜子即冬瓜仁令人悅澤顏色杜蘅藁本細辛白芷天冬栝蠆佐之以祛在經風氣之滯乃內服正治法也

治粉滓黥黧方 白斂十二銖 白石脂六銖 右二味搗篩以雞子白和夜臥塗面旦用并花水洗面

去粉滓黥黧皴皯及茸毛令面悅澤光潤如十四五時方 黃芪 白朮 白斂 菱麩 土瓜根 商陸

蜀水花 鷹屎白各一兩 防風半兩 白芷 細辛 青木香 白附子 芎藭 杏仁各二兩 右十五味爲末

以雞子白和作挺陰乾石上研取漿水塗面夜用旦以水洗之細絹羅如粉佳

治面粉滓方 熬礬石以酒和傅之不過三上○又方 搗生兔絲苗汁塗不過三上

治年少氣盛面生庖瘡方 胡粉半兩 水銀一兩 右二味以臘月豬脂和熟研令水銀消向暝以傅面旦起

布拭之慎勿水洗至暝又取傅面不過三上 一方有真珠

白膏 治瘡癩疥癬惡瘡方

附子^{十五枚}

蜀椒一升 野葛^{一尺五寸}

右三味咬咀以酢漬一宿猪膏一斤煎令附

子色黃去滓塗之日三上

治面瘡炮方

鷓鴣屎一升為末以臘月猪脂和令勻夜傅之

治面瘡方

木蘭皮一斤以三年酢漬令沒百日曬乾為末温酒服方寸匕日三

治面皴方

淳酒二升牛膽

殺羊膽^{各一具}

右三味合煮三五沸傅之○又方

薺萇

肉桂^{各一兩}

右二

味為末以酢漿服方寸匕日一服亦治黥黯及滅瘢去黑痣 又方 冬葵子 柏子仁 冬瓜子 茯苓

各等分

右四味為末酒服方寸匕食後服日三治面皴甚者○又方 生地黃三斤枸杞根十根 右二味

先搗枸杞根次搗地黃曬乾合篩空心酒服方寸匕日三久服顏如童子此祕方也

梔子圓

治酒瘡鼻炮方

梔子仁

鼓^{各三升}

大黃六兩

木蘭皮半升芎藭

甘艸^{各四兩}

右六味為末蜜和

丸如梧子初服十丸日三稍加至十五丸

〔衍義〕

木蘭皮芳香性燥本經治大熱在皮膚中去面熱赤皴惡風顛疾陰下癢濕明耳目婦人尤宜用

之 膽善滌垢淳酒以行其膽之性濕熱為患者宜之

薺萇甘寒肉桂辛散以散皮膚中滯血血熱為患

者宜之 冬葵子柏子仁冬瓜子白茯苓酒服以治面皴津液不充皮膚不澤者宜之 生地黃枸杞根酒

服以滋其血血燥皮枯五心煩熱者宜之 梔豉大黃木蘭皮芎藭甘艸丸服以滌肺胃之熱酒客濕熱素盛者宜之 其末後三方時不可辨

治鼻炮方 蒺藜子 梔子仁 豉各一升 木蘭皮半斤一本無 右四味為末以酢漿水和如泥夜傅之日未出時

暖水洗却亦主滅癩痕

治面上風毒方 玉屑 蜜陀僧 珊瑚各二兩 白附子三兩 右四味為末以酥和夜傅日洗之亦滅除癩

痕

治面有熱毒惡瘡方 胡粉蘇黃相 黃連各等分 右三味為末取傅上癢止若瘡乾以面脂調塗之日三

〔衍義〕 蒺藜梔子香豉木蘭皮專治皮膚風熱 玉屑蜜陀僧珊瑚白附子專治肝腎風毒 胡粉黃連黃

柏專治陽明濕熱亦鼎峙三法

治滅癩痕方 豬脂三斤飼烏雞一隻三日令盡後取白屎內白芷當歸各一兩煎白芷色黃去滓內鷹屎白

半兩攪調傅之日三〇又方 禹餘糧半夏等分為末以雞子黃和先以新布拭癩處令赤後用藥傅之勿

見風日二十日癩十年者亦滅〇又方 白附子 杜若 細辛各半兩 辛夷一兩 鷹屎白一合 右五味為

末治取傅之亦滅癩痕

治癩痕凸出方 鷹屎白一兩衣白魚二七枚 右二味為末蜜和以傅日三五度夏〇又方 鷹屎白二兩白

蠶殭一兩

右二味爲末以白蜜和傅日三慎五辛生菜○又方 春夏以大麥麩秋冬以小麥麩好細絹

下篩以酥和封上○又方 臘月豬脂四升煎大鼠一枚令消盡以生布揩拭癩處令赤塗之不過四五上

治身及面上印文方 鍼刺字上被以醋調赤土薄之乾又易以消滅卽止



孫真人備急千金要方辨義卷六下終

